

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
APR 29 1940

74

T 3193/0.82

江西通志卷第一百四十九

藝文詩三

五言古

明

發安仁驛

劉基

雞鳴發山驛天黑路彌險煙樹出後聲風枝落螢點江秋氣  
轉炎嶂濕雲難斂佇立山雨來客愁分冉冉

南康郡齋

王禕

承恩紆郡紱服職效官箴秩厚幸粗給力孱非所任雖忻民  
訟簡恒恐吏議侵殘氓既摩撫宿蠹亦搜尋此邦乃名郡經  
變已年深荆榛猛獸處瓦礫非蟲吟道院存故號公庭蔽荒  
陰前瞻彭蠡澤後揖匡廬岑緬懷昔朱子遺愛在人心往軌

哈佛大學漢和  
圖書館珍藏印

西可踵吾將自茲今

南康書事十首

五老出青穹宛若金芙蓉日射光燦爛雲生氣鴻濛誰其凌  
絕頂笙鶴駕長風

山前雨瀑流勢欲翻翠律銀河九天傾玉峽雙龍出六月幽  
壑間陰風動蕭瑟

飛橋架絕澗怒湍若雷音直比三峽險豈特千丈深頗聞陰  
雨夜下有潛蚪吟

言尋白鹿洞欲訪紫陽翁一溪浸山月萬壑號松風前哲不  
可及悵望將焉從

臨湖作幽亭湖光淨如鏡仰觀雲翼翔俯覽淵鱗泳景會樂  
自生悠然孰吾競

郡廨新落成繁木蔭階祀稍忻吏曠希粗覺民事理簷雀不  
相猜羣飲硯池水

晨興畢公事坐憩六老堂堂前松桂疎堂後桃李芳親毋為  
培植留以比甘棠

居齋未為陋煖翠名吾軒嵐氣沾新簟花光照清尊廬山真  
面目相對每忘言

山園一畝許種竹復栽蔬摘蔬作朝饌對菊供晚娛澹泊園  
有味無酒當何如

古人樂吏隱所貴性有適著述本吾事催科豈其職咄哉彭  
澤翁惆悵為形役

梁國狄文惠公新廟詩

危素

大江從西來萬里流湯湯維唐社稷臣勲業載旂常天子在

房陵女后御明堂晨聞牝雞鳴腥聞溢宮蒼猗公秉忠義耿  
耿立廟廊周旋極勉論議忽慨慷載御卷冕歸宗社赫有  
光豈徒保國祚實欲扶天常雲孫江州牧思聖宮廟薦蒸嘗  
豆籩孔嚴潔絲石載鏗鏘再拜久屏息低回想忠良作歌勸  
臣子百代踵遺芳

劉貞女詩

梁寅

客行金川野路傍見松門亭亭立雙柱聳聳千層雲太書字  
徑尺云是貞女墳下馬問居人居人為客言里有劉氏女既  
笄字懿文父兄乃文儒異彼麗豪民女賢在房帷既許趙氏  
婚秉心若冰玉計功惟纖紉一朝風塵起盜賊遍墟里兩兄  
從義兵兵敗乃俱死父母哭晨夜賴女能慰止時旻日月昏  
民亂波濤靡鷲鳥欺鳳雛聚獸乖麟趾所競惟金多所悅惟

色美不諒貞女心強取悖倫理刻期求必遂父母焉得已女  
言我此軀寧受強暴汗趙氏既我聘他人非我夫瓦完何足  
貴璧碎終自殊我在世所謂我死親無虞竟投百尺井深泉  
若安居隣里莫哀救克悍聞之吁皇天恨高誼后土憐中孚  
女節士或愧士辱女不知客聞悲且惻歎息重歎息惟天生  
人物人物具天則王睢有定偶孤鴻不改特獨歸燕循義耿  
介雉之德人既靈於物綱常待扶植况聞多篇章備述貞女  
蹟縣官合表閭太史當采擇名偕竇氏女永永世千百

題匡山石室

劉永之

精廬極蕭爽乃在匡山涯鮮飈泛林木旭日生巖扉樵語隔  
煙小鐘聲出林遲階前百尺樹倒挂枯藤枝中有避喧者禪  
誦清四時挽蘿結幽佩紉葉為秋衣靜談遠公傳東林迹已

微怡然契元理令我坐忘歸

發南浦

楊基

開船別西山迤邐向南浦帆輕去自速初不用篙櫓蒼煙  
中樹橐橐響斤斧一女沙上汲衆漁洲畔語我行歲云晏况  
復遠儔侶回首北歸鴻翩翩下寒渚

鉛山女

魯修

淮兵過江左種惡易作羣近傳鉛山破守卒先逃奔州尹既  
陷難骨肉中道分阿女二八餘婉婉顏色温渠首即不殺喻  
以從已婚前示刃劍威後擁珠翠繁左右相睥睨一一伺女  
言父母不見我我生適誰門寧與刀劍俱豈為珠翠存展轉  
女自刎萬口驚且喧嗚呼天下事顛倒難具論貔貅失銳氣  
大義閨中敦自古奉天討維當念元元回首望北闕道遠河

漢昏林下有深憤語直無復吞不為死者哀但與生者聞

送友人之鍾陵

陳謨

以我白石歌壯君黃鵠遊笑騎將軍馬踏遍西山秋古之大  
哲人於此懷民憂鐵柱繫長蛟斗門遏洪流地軸安其常水  
靈何所求長笑蜀太守空立三犀牛繫此十萬家高柳連城  
樓形勝自天開攻守由人謀綵筆為我題宣城美才猷寧知  
東湖水可以藏漁舟

五峰樓

梁蘭

登茲百尺樓睇彼三兩峰低昂各異勢奔逐俱爭雄氣舍金  
碧潤鬱然神秀鍾嵐生遞隱見雲合紛溟濛或擬五岳尊秩  
禮何其隆憑高暢微吟取適援孤桐樂土信為美清興奚由  
終逍遙享斯休不翅仙原中

江西通志 卷一 古蹟 四  
五老峰

蕭岐

峨峨五老人乃在匡廬山不知幾歲年俯仰俱蒼顏端居煙霞表下視滄波間羣峰列諸孫秀者如雙鬢嗟余未佚老愧爾長清閒正面色逾好側見景不慳因看瀑布泉忽憶東林關相期巢雲松鼓柁當南還

黃麻峽 安成

周是修

遠聞黃麻峽自卯行及酉溪聲咽復喧山勢回不走居民實醇朴安用巡徼守男耕而女織帝力亦何有

梅花源 廬陵

山行五六里峰勢忽亂巘前有梅花源人煙帶邨隴天寒雲木交晝晦風水湧近聞豺虎多深入能弗恐

夏莊里 龍泉

山行熾嶮極言至夏莊里俯視見人煙直下在地底巖屋自為隣開門齊向水嘗披桃源圖何有踰乎此

花陵渡 泰和

路窮春江長江上花陵渡東風桃李花多少隨流去野航容數客來往衝紅雨日夕望煙波武陵更何處

武婆岡 泰和

處女桃花顏自幼謝塵匹飄然入茲山燒丹學仙術乘雲以何代留名至今日徒令凡世人千秋指遺跡

太平洲 泰和

一水分復合是有中流渚溯洄從其人道阻心良苦其人美如玉遠世甘獨處秋風把釣歸遠屋松蘿雨

黃衣巖 泰和

江西通志 卷一 古蹟 四 五 藝文

崇峰出百里巖壁亦何峭神功肇元氣中有太古竅青雲從  
下起白日當前照仙鶴不重來年年野花笑

尖心峰 泰和

東郡富原田西顧曠平永青峰特中起卓立勢拔笋造化固  
根菱陰陽定標準何當躡層雲臨覽至絕頂

大石門 泰和

兩山夾長溪石壁忽觝截一竅正中開噴岼象棖闌不假造  
化功世人焉得識萬古祇如斯消磨幾行客

釣魚臺 廬陵

仙人何代飛空有垂綸所危磯枕中澤形勝猶太古奔流怒  
出峽衆獻欣承宇悵望巖子陵山秋紫蘿雨

鷓鴣港 廬陵

十家同一姓浮處依巨港取魚以為活鷓鴣代罟網田園世  
外疎兒孫眼前長何當命輕舸煙波共長往

白水湖 廬陵

平湖淨如練光氣日舒卷秋水荷花鮮西風棹歌遠美人居  
上頭遊子無時返行見紫鴛鴦惆悵天涯晚

華蓋山 廬陵

東風吹大河河水為上湧緬思華蓋君巢雲絕塵冗嗟時月  
滿軒耕處雲生隴何當命中車相從服鉛汞

白下縣 泰和縣古名

大河東遥遥孤城忽如塊臨流起層閣危軒俯長瀨西山當  
倚晴宛若蛾眉對日夕望闔都車馬空橫潰

下銅塘口

泛舟銅塘口截出樟樹鎮江迴水百折風雨一何盛望望淵  
渚長迢迢入煙暝牛羊被阡陌桃李紛相映人家依古樹寂  
寞柴門靜雖無車馬客而愜魚鳥性徘徊念鄉邑山川愈遼  
曩未能秉耒耕寧免彈冠慶素飧良足誚幸遇明主聖誰謂  
行路難棹歌滿清聽

發江西順風過吳城

朝發廣潤門暮過吳城山疾風吹片帆可望不可攀浮雲東  
北飛遊子何時還新交邈千里相見誠獨難丈夫志四海豈  
為離別頽況此壯盛時容華渥如丹君門開九重聲教溢人  
寰唯當勉功業髮毛易成斑

賦得瀑布泉送余侍講歸南康

憶昔下彭蠡引睇往廬峰飛瀑天上來迸洒青芙蓉沛如決  
銀河隱若垂玉虹素影蕩明月寒聲激長風茲晨送君去還  
山尋舊蹤濯纓鴻濛際洗耳清泠中泝流跡豈遠尋源意何  
窮倘遇赤松輩寄書遙相通

玉笥山

胡儼

佳哉古淦邑有山鬱岌羗昔年降玉笥芳名標神霄有峰高  
插天芙蓉金柱翹有壇布碧落太乙皎素遙有臺高巍巍九  
仙東華朝有洞實靈閼白日聞笙簫陰瀑灑飛雨石磴凌風  
飈艷艷金光草森森琪樹標仙人散綠髮乘晨晞暘喬流輶  
宴初景元挺披氛囂龍吟石澗隱鳳歌雲路超仰嗽金隨溢  
流盼恣逍遙我欲從之遊黃鶴不可招悵望白雲深郁木何  
幽寥

清虛館



仙家有琳館幽棲羣玉山碧窗瞰林壑丹霞被岡巒靈文寶笈祕古鼎神丹寒仙人梅福郭倫彭真騎鶴下雲端窗間綠綺琴宴坐時一彈蘿月挂秋鏡松風生夜瀾俯視塵寰中煙霧浩漫漫

張節婦 有序

何文淵

節婦劉氏南城人既笄為張孺文妻踰數年而孺文病卒節婦年踰二十眇然獨處撫遺孤勤紡織辛苦而不辭勞已而遺孤履善克繼孺文之業張氏之再振者節婦之力也太守上其事敕旌表其門予於履善雖未相識然節婦之姪履道光啓則相交甚久履善以其故求予言以彰其母之行夫太守不沒人之善予何惜於言哉故為之賦

劉女在深閨育成冰雪姿父母為擇配婚得張家夫琴瑟喜調和室家正相宜一朝失其天伶俜何所依孤燈照素壁嚴霜織寒機膝下泣幼子階前挂蛛絲衣破時復補午過飯未炊淚滴聲徹天遑恤寒與饑綠鬢凋霜雪菱花暗塵泥海水陰風日枯桑歲寒時四序有推遷寸心無改移鬼神諒陰祐門庭復光輝固知子才賢亦由母操持太守奏天子九重雨露滋豈惟一家榮千古惇民彞

寶陀巖

仙人來西方手持白玉斧劈開蒼石巖煙雲互吞吐高空千餘丈深澗五千步四時總是秋六月不知暑清泉出石澗香風繞窗戶雲移樹影斜花落雞唱午龍歸月正團犬吠天欲曙山搖覺撞鐘林響初擊鼓天台與蓬島未必能勝此來遊住三日酷愛神仙府題詩鐫石壁記我為巖主

江山一覽亭

何喬新

山翁不川游溪翁不山住茲亭何巍巍妙得江山趣浮光滉  
簾櫳飛翠墮窗戶江山百里間一一堪指顧披雲款巖扉乘  
月泛煙激鷗鷺狎琴尊鹿麋隨杖屨悟茲動靜理悠然豁心  
慮嗟予抱清尚山水夙所慕年來徇微祿舊遊隔煙霧聞君  
構危亭便擬投簪去憑高騁遐矚久矣愜中悵

遊黃嵐坑

吳與弼

微雨霽芳原散步春溪曲歡呼及童豎策馬驅黃犢入崦竹  
脩脩面岡杉簇簇展我懷中書坐向林間讀不有巢許心那  
知箕頽躅但得風日佳朝朝來此牧

桃李薰天和晴光爛如許寧知明日花不有宵來雨芳原縱  
遊行呼童供笑語徘徊綠蘿峰悵望清溪激皞皞固同胞熙

墅  
熙盡吾與悟彼靜者心樂此動時趣煙村歸去遲暝色迷雲

登連珠峰

閣中罷鳴琴芳筵謝斟酌捫蘿一蹇裳奇峰酬素約天風起  
蕭條山雨來溟漠時馳千里目四際雲煙薄會當斯結亭勝  
覽翔寥廓

送蘇伯誠提學江西

費宏

鑄人如鑄金大冶宜兼收兼收入模範始足應所求以為象  
物鼎神姦望而愁以為作羹鉉調和適剛柔以為照膽鏡賢  
否焉能度以為耒與耨農人飽以謳以為刃與鏃談笑借前  
籌江西一都會統十有三州匡廬冠羣峰彭蠡匯眾流往者  
三品貢價匪他方俸邇來似減耗不能究其由先生方臨爐

頑鑛試一搜豈無錚錚者可以追前修  
文儒宋最盛發跡由南州仰惟無極翁結屋濂溪頭當其官  
南安二程實從遊紫陽最晚出尋源導其流南康假守日鹿  
洞乃重修飛章乞經籍立訓規朋儔庶幾媚學子彷彿程與  
周先生富道德久抱斯文憂行行到廬阜撫景應淹留為陳  
古學與一警末俗偷教人兼體用長善別剛柔既令賢者眾  
亦使惡者瘳貢之天王庭以應緩急求楠棖苟不廢梁棟知  
先收

重修瑞州學石隄工人沒水得古石鯨 黃雲

泮宮臨清江下瞰百餘尺水激岸善崩雷開走羣石不知古  
石鯨何年此窟宅掀置水之溢其勢欲跳擲依然鱗甲動水  
苔滋冷碧得非昆池來遂與牛女隔中宵寂無音桐魚庶可

擊

青原山次黃山谷韻 王守仁

恣觀歷州郡驅馳倦風埃名山特乘暇林壑盤紆迴雲石緣  
敬逕夏木深層隈仰窮嵐霏際始覩臺殿開衣傳西竺舊構  
遺唐宋材松風溪溜急湍響空山哀妙香隱元洞僧屋懸穹  
崖板依巖龍象陟降臨緯階飛泉瀉靈竇曲檻連雲櫺我來  
慨遺迹勝事多湮埋邈矣西方教流傳遍中垓如何皇極化  
反使吾人猜剝陽幸未絕生意存精藪發傷心眼底事莫負生  
前盃煙霞有本性山水乞歸骸崎嶇羊腸坂車輪幾傾摧蕭  
散麋鹿伴澗谷終追陪恬愉返真澹闐寂辭喧阗至樂發天  
籟絲竹謝淫哇千古自同調豈必時代儲珍重二三子茲遊  
非偶來且從山叟宿勿受役夫催東峰上煙月夜景方徘徊

通天巖

青山隨地佳豈必故園好但得此身閑塵寰亦蓬島西林日  
初暮明月來何早醉卧石床涼洞雲秋未掃

獨對亭望五老

五老隔青冥尋常不易見我來騎白鹿凌虛陟飛巘長風捲  
浮雲塞帷始窺面一笑仍舊顏媿我鬢先變我來爾為主乾  
坤真過傳海燈照孤月靜對有餘眷彭蠡浮一杯賓主聊酬  
勸悠然萬古心默契可無辨

題貞烈祠

祀通判姜榮妻竇氏及婦女死節華林者

李夢陽

閱城駐東隅俯之見孤廟詢事歎崩突感義發悲嘯罵賊志  
已決藏印智仍妙捐身一何易下與流珠耀寒塘映白日千  
載仰餘照

憶澹臺墓寄王邵二藩臬

楊廉

孔孟久絕響希濶到敦頤隔此千載餘是果真無師嘗聞夢  
奠後弟子皆四馳滅明遠居楚三百門徒隨後來必有傳韜  
晦人不知不信至濂溪當時猶未奇濂溪實楚人所得宜在  
茲要知南方學澹臺其始基步出豫章城旅墳荒路岐樵牧  
幾弗禁況有麗牲碑古今一名士所過多有祠道學乃何物  
冷灰無人吹幸逢諸當道尚德甘如飴此事倘留意足慰悠  
悠思

蒙山

董越

蒙頂出青州茶名徧宇宙誰知此山中亦有生雲竇旗舒穀  
雨餘芳擷清明後風味如使君誰云可輕售

金節婦

杜華

結髮事君子期君同白頭那知君生死於世如蜉蝣蛾眉初  
畫成不奉君衾裯當時願一死隨君入君邱爲念謝氏祠蘋  
蘩空春秋所幸妾有娠庶望繼前修倘可嗣烝嘗爲妾補愆  
尤兒生今有孫君於妾何求妾髮今如絲妾心君諒不東海  
枯兒底妾淚應不流

輓庠生劉一春妻彭氏死節

歐陽鐸

昔在丁丑歲盜賊起鄉閭狂童恣酒色戲弄戈與矢玉鉤有  
新垢羅縠無完裾亦有憤激心貪生昧征途烈哉劉家婦視  
賊狗彘如舌斷心愈壯氣結海爲枯碧血灑寒雨烏啼月影  
踈尋常面發頰貞節此權輿君看倚門者笑談何有無江水  
東北流青山喬木孤

遊麻姑山

王愷中

雲出本無心擇棲多奇瀛類子慕真勝涉趣不知遠初緣碧  
澗行幾傍丹崖轉林追去虎蹤磴躡飛猿踐泉流遞淺深巖  
谷變陰顯歎瀑遇留憩石牀時仰偃桂芳洞裏秋霞映山中  
晚探異尋前期入幽忘後反神遊力不惰理愜情俱遣天路  
如可梯欲以微官免

白鹿洞書院

昔賢敦雅尚設教託靈壤妙得高深理非關山水賞道因名  
勝尊神以流衍養時去跡空留風存化猶廣宏基茂草餘巍  
構浮雲上無事鳥頻飛有懷予獨訪林芳鬱紛敷庭木自成  
長泉石有餘清絃歌輒遺響川水逝如斯山形高可仰徘徊  
西日斜惆悵前人往

仙都觀

吾生罔象求飄忽御冷風舉足踐元氣天門見開通美哉不  
死庭觀闕何嚴崇琪樹敷珍葉虛空出藥宮仙人初降止鸞  
鶴紛來同頽霞晃裾袂二曜明兩瞳玉體垂一臂接我游高  
空手授元簡文跪讀未及終倏值樹焱過吹墮綠雲中恍若  
形骸喪俄頃還舊躬因思在人世擾擾如鼠蟲

次李空同遊象山書院

泛舟涉前津陟岸歷平坂巖高既岑峩境曠復幽行遺祠莽  
荒寂俎豆舊莫展鄙予辱里門歎惋屢縈緬壯哉李子遊清  
風披層巘千秋肯堂構吾道賴舒卷歸來重修謁創觀昔心  
遣遺音託深刻三賢諒俱顯

鵝峰草堂為永豐呂孝子賦

鵝峰何孤高草堂在其趾中有幽棲人乃是呂孝子親柩殯

中堂孽火旁舍起抱柩仰天號反風烈燄止柩出火復炎  
燼盡衡宇異哉真孝感事出鄉人語平生敦行義輕財仁族  
里里豪憚秉直隣帛奪復予妖佛倡淫巫正言闡神理守嗟  
孝子心恬澹若止水利祿終免營名勝乃其恥天道實佑善  
承家有哲嗣雋才起賢科詞苑得佳士居然道義資豈獨公  
輔器昔予官館閣門牆篤深誼作詩頌令德以詒千百祀

白鹿洞

羅洪先

賢聖生不數五百斯其期獲麟事已遙白鹿乃在茲濼濼指  
迷途朱陸分兩岐其人雖不作其言尚可師嗟予不自量獨  
往矢不疑元精惑異趣難聞悲後時荏苒歷二紀彷彿見津  
涯望望足莫前如有神鬼司日月寧再與虛知竟何裨感此  
未遑安三益恒所須竭來遵故躅庶幾或見之精爽儼如在

荆榛多蔓枝在昔義利談聞者曾涕洟悠悠今古心豈伊異  
所思川谷耀餘彩竹樹含新滋披衣岡阜巔濯纓溪水湄懷  
哉祇於役日夕傷遲遲

送沈進士子善尹鄱陽

徐階

治民如烹鮮此語傳自昔邇來才俊士古訓耻誦習譁然煩  
其令藉口興與革遂令田野間奔走廢耕織朝廷念元元置  
吏務安輯豈意更勞擾肥身重民瘠沈生起魏科探討適六  
籍況復有家教茲義諒能識鄱陽號樂土近稍異往日撫摩  
還富厚夙夜在努力高才如騏驎千里初發迹康莊與曲徑  
慎哉審所適

遊梅仙山

宋儀望

白雲在深山山深轉空翠古木凌飛烟叢竹亦森邃梅公隱  
何時漢道昔云季當其抗言時鼎鑊寧足畏一斥曷何所去  
作南昌尉茲山信超曠盤鬱多佳氣幽棲亦何為豈不以我  
貴一朝變姓名挂冠從此去新舊相太息妻子不知處余亦  
骯髒人誤觸當時諱見幾苦不早撫已有深媿永願謝塵緣  
長往從吾志

石江為歐陽光祿賦

羅欽順

骯髒人所憎脂韋人所喜世無骯髒人滔滔將誰止伊余素  
寡合晚得石江子自云性骯髒托物以喻指家住蜀江濱江  
流清且駛有石橫亘之何由日千里素懷及物志而昧圓通  
理方心利不得機變乃深耻坐此礙吾行與石渾相似爰以  
石名江因之還自儼余聞不謂然此性實天昇能令憎者畏  
所向率風靡漢廷黯誠蕘邪謀為之弭累百公孫弘論功安

得此在人明有徵在物豈殊此江深多暴漲高岸有時地向  
非石之功雞豚盡鱸鮪小激旋成文剛制終猶軌似礙原非  
礙妙用誰能揆聲應本由衷詩成忽盈紙要知惓惓意慎終  
必如始千里未為遙直到扶桑埃

題靖安舒節婦卷

夏尚朴

世道日交喪士夫鮮完節大者一以虧百事似瓦裂皎皎閨  
中安肝腸厲鏐鐵孀居三十年孤衾照寒月殷勤撫諸孤筭  
弁自成列斗粟不敢私亦必釣庶孽隣火逮其廬反風自熄  
滅乃知節婦心上與神明徹珍重白洲銘三復有遺烈重以  
表一障變地亦勤潔

初至白鹿洞與諸生

吳國倫

廬山五老峰縹緲在霞脊下有仙人巖含虛吐神液洞門苔  
已深白鹿但遺跡仙人渺何之陵谷尚遷易二三儒者徒靈  
源匠心闢誅茅講堂選石布經席溪紛洙泗流嶺亦抗鳧  
嶧蹇予顛顛容睠此迥然適南州士如雲從之叩今昔諧聲  
登雅歌洋洋振金石

出萍鄉關

熊汝達

雨歇澗聲微旭薄山光淡鳥影落橫塘涵虛淨如鑿花村犬  
守扉石徑人倚擔回首白雲關離愁生黯黯

武功遊機心潭及龍潭

鄒守益

石函鑿玉匣奔流太古雪下有雷霆鳴飛鳥不敢越攀蘿往  
從之路滑足屢蹶斬管坐磐石神魂自清潔機心從何來乃  
為此潭澄朗詠侑行觴不知月已沒諸生步更健魚貫升截  
業遙尾猿猴直犯蛟龍窟瀑布九天來四壁如削鐵澗注



雲氣腥陰風竦毛髮歸來手指畫霏霏如玉屑逝將洗塵慮  
共飽深巖巖靈山久有聲勝事多未發短歌扶奇踪聊用俟  
來哲

題漱石

邵寶

山骨本至真寒泉更磨琢暮暮復朝朝肯許分毫濁物理固  
相資所患輟勝作對此感盤銘請向溪邊濯

文殊臺

李萬實

悵望不可窮瑤華淨如埽倚巖發長嘯清響振五老招攜庶  
莫遊擬贈金光草殷勤向我言靈物君自保歸來謹護持此  
意向誰道

登湖中小雞山

鄱湖閣蘭橈沙際見石室舟人向余道茲山頗突兀孤遊恣  
觀覽樵徑良可覓散愁凌絕頂逸興逐雲物縱目幸無礙窮  
探紀非一數峯湖上浮五老雲端立晴空獨鶴飛落木元猿  
集曠蕩足怡神幽獨未爲慄雲夢信可吞奚有竈竈窟長甯  
落漁蓑天風吹斗笠

麻姑雌雄泉

帥機

比翼猶中乖兩星苦阻隔未若茲雙瀑妙合流不息旣同合  
歡枝亦類洞中石終古無分違造化詎能測壻水應可名女  
泉豈雕飾嬖姍善信女棲遊肥遯客想見麻姑踪佩玉源泉  
側素質游太清縹緲不可覲

虔州謁濂溪先生祠

朱維京

聖學日榛蕪微言不復宣滔滔名利徒馳騖如奔川西來有  
別教穎士多依禪而彼訓詁師母乃落言詮所以魯尼後千

載長夜眠天啓我元公獨契庖羲先太極闡妙理無欲指眞  
傳根倪聲臭上氣象未發前无機一以闢大道揭中天上接  
魯嶧旨下開關洛賢力挽天河水取日在虞淵公昔倅虔州  
二程相周旋哲人雖云遠型範留遺編崇祠列茵鼎喬木鬱  
蒼煙西有文成祠俎豆共肅虔景行思先喆願言各勉旃

桂亭爲豫章萬隱君賦

姚咨

南山鬱秋霽重巒桂花白高人愛巖棲躋攀理輕策覽彼雲  
木秀悠然縱所適結亭青林端幽賞非矯迹冷風吹霞裾涼  
月挂石壁襲芳和天倪餌實駐顏色淮南詎可招此意良自  
得願貽瑤華音一慰山中客

題詹孝子卷

董裕

孝哉玉山子至性乃自然目未涉墳典心無慚古先養志色  
殊婉昕夕依所天悲風撼地起大年化飛煙一慟幾殞滅泣  
血垂三年堂前有古梅雪色何娟娟瘦影學骨立茹荼冰檠  
隣上有反哺烏悲鳴五更前感此重欷歔淚下如綆泉南陔  
詎絕響蓼莪廢仍傳珍重懷明德古道還新阡

仲夏偕阮步文孫子極遊麻姑山

張恒

良遊信多幸申約晨忽霽采眞實天假選勝情亦銳攀陟凌  
煙空雲霞生衣袂古壇隱松間紅泉響天際曠焉見田疇知  
否有井稅已覺雞犬殊時聞鸛鶴唳神仙何悠悠人代倏云  
逝千秋不可知遐覽有深契暮野煙霏霏宵巖星曄曄幽討  
愜予懷世緣脫如篲

步文子極偕游從姑

峩峩靈峰石雙拆若初判鑿磴纔受趾陟崖迥面鐘磬出

雲端杖屨入天半  
睽此清和月萬象俱蔥蒨  
日晃搖沙金林  
疎出江練蜿蜒圍暮嶺  
森錯分晴甸軍山聳孤髻  
麻瀑飛一綫俯視何蒼茫  
俄頃嵐光變古今杳相接  
登覽時哲換嘉會  
洽懽悵長懷託文翰

遊琴石亭

趙伯里

飛閣臨江上虛明復高敞  
簷檻落天鏡湖聲日來往  
美人此投迹於焉愜幽賞  
閑拂石上琴流音共清響  
端期靜心境所喜遠塵鞅  
沿崖徑竹生繞屋石苔長  
此中有真趣何必鹿門想

送中丞練公裔孫歸峽江

葉向高

練生中丞後矯矯汗血駒  
於世乃不達跼蹐九折途  
中丞殆難日覆巢無完雛  
豈謂天地仁而獨全其孤  
子然栖海濱不向牛馬呼  
逮至累葉孫始還峽江隅  
念爾流落際寄食多艱虞  
羣公感異夢精靈猶合符  
安得輒薦爾一日登高衢  
芳初表遺裔庶幾明區區  
秉彝良不沒論世重嗟吁

書湖陂蕭烈婦冊

賀 沚

予讀先師傳蕭氏死節奇  
夫亡妻致命母死女亦隨  
汎柏誰能奪投瓜效祝辭  
湛湛江流水泪此兩英姿  
節殞明素志孝死亦何知  
性天所激發莫知誰之為  
舍生以取義臨淵甘如飴  
英烈足千古秉彝揭于茲  
姱美心共賞碩人撰鴻詞  
琳球綻冰雪讀之淚浹頤  
太守廉節義以此酬周咨  
貞精自妙感高標郡門楣  
還應排閭闔旌詔勒穹碑  
正氣兩間塞芳芬百世遺  
忠孝同節烈泪羅映湖陂

重貞為袁氏題

董 緒

淳風日已漓三綱幾銷歇緬維柏舟詩寧忍薄志節袁家有  
姑婦雙璧彌光潔姑早喪其天誓死心不越撫孤作未亡辛  
苦備嘗閱訛言耳不聞婚嫁隨時畢婦又喪孤兒感姑同激  
烈形影兩相弔從一心如鐵凄風撼庭樹明月照虛室嗟此  
冰檠儔輿情為蘊結賢矣采風謠烏府昭華揭矧有賢孝孫  
雅志事先哲行當觀國光旌詔耀天闕

東昌父老嘗語予信國文公生於永和石窟予自香林  
訪其地有文姓者公遠孫也石窟之東南章水環之水  
外五鳳山高出漢表莫與並秀者

陳嘉謨

廬陵有砥柱可以障百川降神在何許乃在五鳳前峩峩五  
鳳山秀色橫南天正氣川嶽合孤光日月懸成仁與取義至  
令頑夫廉杖藜訪遺趾野屋棲寒煙拜我幾代孫力耕十畝  
田大賢固有後所貴淳風全我老與世辭荷鋤理荒阡愧公  
之間里三謝為潸然公靈耀箕尾千載當來旋

玉笥九仙臺

馬猶龍

高臺入層霄露奇非一狀嵌空石鏡明金碧互滉瀼窮幽得  
絕境劃開天宇曠一峰逼雲出千崖如湧浪氣霧雜吞吐參  
差鬱相向蕭條落日外河流明遠嶂祠殿日荒涼峻嶒時策  
杖仙人去不返明月空臺上

由百花溪登玉笥山

劉同升

朝看山出雲暮看雲入笥山行若無蹊恰有青童至指點絕  
壁間仙臺藏勝地藤枝匪易攀屐齒猶可置日午聞雞鳴巖  
椒啓金字出險坡漸平劃然人境異連峰涌下界撲面聳層  
翠因過丹竈房縱覽紫微志白花雨外明紅果林間墜晚食

供芋魁晨鐫倒茶櫃坐久慵下山踟躕想真寄塵網詎得辭  
幽期偶然遂

游月巖謁周元公廟

萬元吉

中歲不聞道汎汎逐萍梗緬懷先哲型沈憂不出類茲來瞰  
巖月鬼斧鑿天影尺竇洩素雲一星射瑤井物理竟何如遐  
蹤忽深省元公昔幽憩萬慮悉以屏陰陽動靜初澄心得妙  
領於焉瞻遺廟百世尚嚴整冥心無極前衣露遍清冷

曉度牛嶺

萬時華

巨靈闢幽壤涵然劃茲區勢若羣兕蹲亦若干羊趨寒光積  
巖壑高厚氣有餘恍疑虎豹宅或有仙人居山中建子月萬  
嶺天風俱雲雨助奇勢車馬爭盤紆鴻濛遇雲將靈境將焉  
如

拜文信國祠下

金鉉

復妬自天運臣道無終窮殉節士所恒寧足矜子功偉哉一  
文士毅然任即戎棘行若履坦所在吟淒風一息苟可奮安  
忍即瘖聾九死固所甘但惜炎運終堪嗟生祭者不足語微

表

國朝

苗令公招遊從姑山同徐仲光

李元鼎

孤峰峙東南十岡兩水共壁立綴層霄峭崿勢懸空玉竇鐵  
為關輪囷還圓縱毛髮無遁礫紺碧爭磨礮仰射元壤滙倒  
流滄波凍徑束天亦小窺來特一縫羣峰萬馬奔到茲噤不  
關我來值初秋暑行尚倥傯大令一烏先二客雙鸞控異木  
帶淙聲清瀨恣漱弄坐對古賢祠高風餘梁棟拾級步齒齒

林響崖光動江帆落深罅橋危心目恫雨過再躋攀箕踞聞  
 鳥哢開元天寶語盡破塵凡夢偶爾評兩姑以規不以頌一  
 驚泉為瀑一踞險為峒屈宋豈衙官魯衛堪伯仲灑氣競磅  
 礴誰正抑誰從欲援易名典為補名山封環珮鏗相接平奇  
 互為用時近七月七鶴馭行當韁矯首問仙子談言或微中  
 余家有小園雲根無錯綜巨鼇倘飛來取作怪石供

將軍行

魏際瑞

將軍來勦賊鄉民到城市壯丁標老嫗日日行開里問汝此  
 何人丁云是吾母今行欲賣之三日無售主咄汝大惡逆敢  
 賣生身親君且勿急怒我有下情陳賊謂將軍曰此間多頑  
 民某某合誅僂某特贏金銀某有美妻子某與某媼親將軍  
 聞賊言爾是好男子假爾千守把爾但作吾事踝骨絞弓弦  
 倒懸勒拇指一刀分所甘求死不得死左隣賣妻子右隣掘  
 墳地甚或無親丁權鬻甥與壻可憐我孤窮獨有此老母老  
 母哀吾兒豈忍汝受苦我雖七十歲亦復能紉補朝暮執炊  
 爨兒童足抱哺不如賣老身與汝脫刀斧

小姑山

彭士望

昔日元道州曾運醉魚舫豈若茲石奇兀傲羣流上日月與  
 俱浴雷雨亦相盪樹無凡鳥栖檠供山僧養苦節風波中獨  
 立本無黨

湖西行

施閏章

方牧坐徵斂此事舊所無軍糈日夜急安敢久躊躕昨日令  
 方下明日期已逾攬轡馳四埜蕭條少民居荆榛蔽窮巷原  
 田一何蕪埜老長跪言今年水旱俱破壁復何有永訣惟妻

江西南靖志 卷一百四十九 五  
孛歲荒復難鬻泣涕沾敝襦腸斷聽此語掩袂長驚吁所慚  
務敲撲以榮不肖軀

國恩信寬厚前此已蠲逋士卒待晨炊孰能緩須臾行吟重  
嗚咽泪盡空山隅

### 烏象口

江干山色黑豐草與人齊行子時出沒四顧迷東西烏象兩  
崖口斷岸臨深溪欲濟無津梁人命飼蛟螭緣溪取山徑修  
途何逶迤猛虎所窟穴白骨相撐支經營置官渡役以兩舟  
師徒旅不濡足往來不移時驛騎性如雷喚渡猶嫌遲舟師  
骨欲折往往遭鞭笞鞭笞且隱忍毋令行子啼

### 大坑吟

叢山如劍戟灌木蔽崆峒其水獨南流谿谷皆阻深山民烏  
獸居不馴匪自今追呼敢逆命兵革踵相尋殺人稅無出遲  
回傷我心蚩蚩亦赤子念爾為沾襟招手語父老鷓臬懷好  
音國土今廣大荒隅且獻琛民頑實吏拙繭絲非所任何時  
免素餐引疾投吾簪

### 青原謁五賢祠

姚江有遺岸螺水盛苗裔從者紛如雲期會無虛歲遂令空  
山阿絡驛勤車騎絃歌響林谷逢掖滿僧寺四君尤挺出嗣  
音相鼓吹寂寥四十春講席蔓薜荔荒祠猶巋然俎豆將委  
地山鳥懷好音林木自深蔚昔人未云遠顧瞻泣流涕百年  
一須臾峻阪策奔駟徘徊岐路間白日忽西墜如何丁我躬  
吾黨竟顛顛題字破莓苔振衣獨遐思

### 化成巖

江右通志 卷一百一十一  
三  
林木鬱江皋心知好邱壑攀磴尋窟深穿巖得疎豁萬古青  
蓮花蒼寒半舒萼鐘歇灘響聞嵐開峯翠落荒臺存往蹟暝  
煙見城郭延目散襟顏倚石恣觴酌却羨無心雲逍遙去寥  
廓

十八灘 二首

王貽上

亂峽吹急雨一折改奔峭連山亘東南瘴霧迷嶺嶠榜人侵  
曉發高臥失臨眺輒雷起何處萬夫迭呼嘯倏忽數灘過到  
眼一票姚武朔旣崖柴崑崙絕排界始蹈呂梁險終成昆吾  
譟四山方出雲吐納亦殊妙山木蔚然合冥冥子規叫  
半日過五灘灘灘各殊狀怒流一噴薄石角迷背向激瀑散  
霜雪倒灑石壁上漩渦走風霆喧飀裂層嶂洶如奔萬馬崩  
騰不相讓又如閶闔開攢攢羽林仗傷神旣慘澹快意倏悲  
壯出坎在須臾布帆幸無恙探奇邁靈閔豪吟洗惆悵

自白鹿洞至三峽澗

溪行少阡術沿洄屢迷津馬蹄怯危石欲下還逡巡出谷見  
稻畦煙火自成隣日午聞雞啼衰徑見遺薪薜荔衣怪樹山  
風恐行人舉首五老峰白雲如魚鱗遙青遞隱現光景相鮮  
新望望玉峽亭聊可垂吾綸

三峽橋

五里聞瀑聲轟若車千兩谿迴見飛梁穹若虹百丈衆流會  
三峽峽門扼其吭建瓴沸驚湍排空削層嶂石激水斯怒水  
橫石逾壯水石終古爭怪奇紛萬狀日射金井潭濺沫出橋  
上日光散青紅雨絲亂飄颺絕境遇兩蘇何人繼高唱

玉淵潭



江西通志 卷一百四十九  
已歷三峽橋更訪玉淵水流大壑中路轉層松裏片石橫  
百仞其石平如砥九十九飛瀑一門爭萬軌崖崿直要衝跳  
盪不得止雪浪如車輪凸凹忽奔駛激射為深潭神物潛尺  
咫夜黑風雨來鱸鮪皆避徙久立凜毛髮薄雲漏餘晷西眺  
石人峰梵唄空中起

開先瀑布

神龍擘空冥颯沓雙峽開青天露鱗甲白晝行風雷峽偏不  
得逞掉尾揚其頰千仞忽開豁下有布水臺嘗聞龍奮迅三  
昧何雄哉誰能一鉢盛終古相喧唳夜來雷雨怒大石為崩  
摧龍遊引九子煙霧紛徘徊偉矣南宮書壁上有米元章大字破壁鏡  
崔嵬有語不敢吐以俟冠古才

小孤山

真日奎

何年小孤山突向中流起亭亭百餘仞壁立四無倚高截天  
之雲一盡韜湖之底石氣森孤寒草樹不敢美吹鳥紛紛下遊  
軒少至止惟餘幽篁中一寺縮崖趾江流自日夜此域無增  
毀不謂一拳力而欲金焦比信知天地心狂瀾須一砥山水  
且復然人境今誰是

自焦石塘抵鉛山河口兩岸石山獐劣上無寸土尺木  
查悔餘作詩嘲之賦以解嘲 朱彞尊

鉛山山肩排一一赴湖口鵲圖象覆釜巨石堅不剖躋攀斷  
僧蹊左右絕林藪豈惟質鈍悶兼亦狀麤醜畫師斂法窮相  
對俱束手道書記名山藏之大小酉每因洞壑深必使列仙  
守茲為百靈棄動植無一有乃知造化心一視等芻狗宜取  
見者憎獻嘲自我友吾試為解嘲賦形良亦偶美石多自殘

斧斤或先受高者礮作碑下者窪作臼汝以頑得全庸庸福  
反厚喻物材不材此理本莊叟

大孤山

兩孤去百里宛在中流半匪獨形勝殊氣亦變昏旦天梯鬼  
斧開廟火神鴉散昭昭雲月輝歷歷明星爛空水既澄鮮浮  
光亦凌亂飄飄御冷風恍惚度銀漢未有歸與情空深逝者  
歎

十八灘

潘耒

連山三百里夾岸鬱相對一江穿其中萬壑飛泉會落天勢  
崩騰迫此亂石礙斑斑碁縱橫落落星破碎連蜷龍昂頭崩  
劣鯨露背羣遊雁成行錯立鳧失隊或如八陣羅或若二門  
隘或銳如戈鋌或頑如碓磴覆釜在盤渦沈牛處潛味淺深  
無定蹤小大各異態為灘百十重著名十八最舟行路縈紆  
一線穿巖斷長年莫自必稍縱輒敗壞造物宜坦夸胡存此  
魄礪得非是艱虞無乃存鑒戒茫茫人寰中對面阻關塞有  
形未為險無迹斯可駭所願心地平廓然忘情界浩蕩乘虛  
舟逍遙八荒外

登八境臺

易學實

我登八境臺江山自壽昔樓閣敞空天玲瓏照丹碧巖城壯  
北嶺塵闌俯疊藉排峰轟亂雲重灘閱老石秦時尉陀王南  
望若咫尺灌嬰拜列侯荒荒傳壘迹李唐晚造時此土從海  
坼飛揚拔扈名諒不如朔易聞發贛州豪陽九當其阨吁嗟  
三百年陳陶無上策日月送蘧廬乾坤本火宅一炬咸陽紅  
三分齊安赤何必弔歌風西陵草深積歎息新亭人旁觀侶

置奕却愛蘇端明臺上詩可惜遭遇盛平時頗擬香山白孰  
知和陶篇乃在海南謫

忘歸巖次王文成韻

丁焯

霽雨淨嵐陰泠泠巾帶好崖厂納清虛游神寄三島已悔入  
林遲偏虞出谷早迴風度晚鐘煙庭黃葉埽

早發大庾嶺

喻周

波行棹始弭捨舟遂納麓樹輪半相糾衆力方交逐石路多  
乘危岫壑環往復蒙形表自然蘊奇增駭矚疊壁護蒼寒日  
氣午難旭祠宇方入雲籃輿競遵陸庾勝與梅銷二名不專  
屬南北盡日程去來各栖宿休暇如能謀希聲散空谷

寧都西江

自貴溪陸行至此登舟

陸棻

停車謝塵鞅晴江蕩柔艣中有雙魚浮似挾浪花舞層雲吐

新霞顏色美難數顛氣指東北劃然界蒼宇溪流忽如斷夕

陽在山左晚峰鬱深翠暮靄覆村塢隱隱聞雷聲孤蓬憂夜

雨迴溪且停橈玉璜奏今古

雙魚洲巨浸不沒璜溪水聲如鳴玉

度寨猺嶺入信豐界

明月猶在天雞聲已戒旦長夜不能昧晨夢催復斷登車歷  
東林振衣躡高巘茶子墜罍笠松葉刺顏面高禾飄墜露眉  
宇冷相濺樵聲出蒼煙俯眎在幽磴天際初升日流光赤如  
電白雲浮層波滉漾滄海畔同塗而錯壤方言亦難辨

龍南縣城北

既歷信豐境乃薄龍南城禾黍被廣畝篔簹覆茅楹落日牛  
羊歸各自呼羣鳴煙景似吾廬悠然傷旅情三江匯諸源奔  
溜何縱橫緬懷玉石巖高勒燕然銘我車獨行邁喜無鉅角

聲

彭蠡阻風時久旱

熊飛渭

朝朝彭蠡湖暮暮香爐峰臥厭一船月起聽何寺鐘茲山蓄  
雲雨布斂隨飛龍坐待秋江晚空饑山下農

文印峰

徐春溶

何年受秦封綰印遂纍纍下有遁甲書金字流玉髓乾坤祕  
鴻文六寸不敢舉諸峰遙起光吾肘欲懸取

萬柳洲補柳詩

費思居

玉峯載清冽山環眾流互良時花嶼繁沙明柳陰護浩劫變  
桑田豈惟一溪故春風無榮木廿載悲寒沍使君饒勝槩杖  
策開筭路桃陰漸成蹊桑枝苑無蠹念茲山水鄉滄染此嘉  
樹種柳沿溪深萬縷榮新露城煙帶碧潯能使陰陰駐燕蹴  
飛絮香鶯選繁蔭度彭州補闕名聖湖蘇堤路仲甫與端明  
千載有餘慕古來賢達人藝植見才具穠鬱還舊觀山川亦  
奇遇年年春風生父老攀枝聚

頭陀寺

傅修

宿性厭塵喧名山結良契選勝及頭陀來值霜天霽行行一  
以深亭午轉昏曠劃然復天開弘規敞妙制大哉頭陀師宗  
風闡妙諦至今諸比丘能譚其軼事為言百丈山此山之右  
袂相去百里餘師始實游憩愛彼峯巒佳因窮開鑿勢長鑿  
揮不停及泉奇鬼二塊蝥粲金光驚起時一睨挺戈遂戰師  
師奔佯誘致一鬼留守山一鬼追彌厲轉鬪溪谷間逐師遁  
深隧鬼憤不得師自剄亦長逝其一留守者不知所終既師  
從隧中行安然幸無慮俯僂見隙光蹭蹬繞一遂從井出高

江西通志 卷一百四十九  
峰即今頭陀寺山寺所由名名實以師係指點何太真愴恍  
爲一噫隧行或出山鬼死誰彼瘞地亦畏宗鋒天不窮禪銳  
即持百丈高肯以頭陀貫拱衛紛層巒觴豆不足計團瓢亦  
百餘隸處如瓜綴我游僅信宿初未求根柢他年是故人築  
室申明誓

舟下十八灘

宋 犖

章貢此交流水石驚千變虎牙激奔濤未許褰裳踐鼓櫂念  
乘危亭午忘朝膳盤旋百折遙象馬瞿塘見搖搖三板船遠  
下疾於箭青山兩岸佳咫尺不及盼長年倚舵樓目注心還  
戰羨彼水上鷗容與隨風便纔經洄洑艱又逐欽崎轉楓林  
送啼鶻沙渚竄野艇暮過惶恐灘漸覩江如練蘋藻薦文山  
斜月浮波面

遊通天巖作

凌晨越章波杖策遵江徼野日破煙霏心閒展遊眺稍窮林  
薄紆遂歷岡陵峭千巖如蹲鴟突兀藏靈奧旣至儼堂隍通  
天維一竅雕鏤信鬼工曲折存遺廟山根洞穴穿偃僂僧徒  
導豁然世界殊飛空巨石倒崎嶇難具陳盤礴發狂叫伊余  
厭塵囂探奇慰所好緬彼玉巖翁彷彿聞清嘯諸賢相繼來  
忘歸領其妙觴目多遐踪眷言託同調夕陽猿鳥鳴移情此  
雲嶠磨墨搦題名千年碧苔埽

廬山詩六首 有序

壬申七月余自江右移節三吳放舟彭蠡抵南康初十日  
謁白鹿洞禮成遂過三峽橋遊棲賢觀玉淵潭明日經萬  
杉至開先坐漱玉亭觀瀑布就宿寺中又明日登舟往返

三日得古詩六章

自我來豫章便結匡廬想顧為塵網羈不得掉頭往今晨泊  
落星篷窗晴嵐盪巖厓擬攀躋懷抱輒蕭爽初途背城闔肅  
然五老仰陂陀屢登陟耳畔清泉響小住傍松根山疏時在  
掌鹿洞千年踪絃誦欣吾黨行行促輿夫樂地兼幽賞

洞古之國學肇興自南唐考亭昔主此垂訓何周詳適際堯  
舜世大化九域翔

宸翰與

賜書照燭留山岡繫余忝秉鉞咫尺恒相望學規藉

文敬余曾頒胡文敬學規愧未親敷揚移鎮荷新命來謁夫子堂諸生

肅奔走特達成圭璋勸勉亦云切廩餼聊薄將余置洞象山田少許

講義利令人泣霑裳大哉子朱子錄取置座旁斯人不可見

後學徒徬徨洞壑蘚花積橋亭松風長欲去仍頓軛願此抽

篇章

久曠山澤遊沖襟鬱以積出洞偕衲子展眺意良適溪攢芋

葉青籬綴豆花白村農遮道周兒童窺門隙酒漿競跪進誰

忍去爾迫俄驚三峽橋截礮臥千尺斷岸儼瞿塘奔濤撼怪

石亭午炎威熾橋下任投憤颺迴難久留更振厓畔策玉淵

得一奇深潭注寒碧葉落鳥應散中藏蛟龍宅林際開寶坊

鐘魚震幽僻講堂倍寂寥緬懷讀書客連蜷雙桂樹攀條足

晨夕解帶鎮山門佳話傳自昔我匪蘇楊儔一笑踵其跡楊文

襄效坡公留玉帶於焦山題名倩山人顛米為辟易須臾織

月明松杪翻宿翮呼酒勞徒侶流螢點絺綌

趁曉催遊伴竹輿嘔啞喧削壁望五乳隱隱辨寺門緣壁出

汲僧騰擲疑孤猿誰繼憨大師妙義闡風旛三歎舍之去萬

杉停短轅當逕排古礎驚並石鼓捫法界啓北宋文室殊弘  
軒昭陵御筆失頽濱長句存香飯分一盂杉影清心魂僧誇  
槐京字導我過荒園寺後有槐京包俗書那足貴乃比與與

璠盤礪楓樹下嘯咏石上蹲野翁筓籬外擁瞰頭如鼇秋著

酷未退何時雨翻盆行將挹飛瀑庶滌胸中煩

精藍首開先欲到心甚渴望見鶴鳴峰已覺俗韻割迨至招

隱橋一旦詩意豁千松夾道迎蚪龍鬪空闊苔華放翠蓋可

玩不可掇路轉殿閣雄欲並山巖薛紆迴軒檻幽經營元宗

未浮慕世外遊忍將民財括轉瞬幾滄桑書臺蒙野葛石眼

聰明泉留洗水精鉢煌煌紀功碑聲施何弘達嘉靖識良異

觀者恒咄咄王文成刻石在正德庚辰明年世宗即涪翁七

嘉靖我邦國語觀者異之車掛墨本舊已藏苔石今一抹披尋榛莽中何

處萬雷聒西偏沿礧脣引溜來活活忽入青玉峽奇勝千山

奪絕壁瀑花翻箭急雪色潑潭曲神物蟠靜對戒噴喝移情

海岸同衣袖霑跳沫孤亭坐忘歸朝衫此回脫

月落潭上回入寺月仍見始知玉峽高直遮天之半香臺敞

宜步禪室靜堪戀老桂當簷盤美蔭周一院雪公遺額懸筆

勢鍾張擅古秀奪華亭洵足光紺殿解衣投繩牀聲送莎雞

亂炎官繳未收經旬苦揮汗異哉今夕涼不待秋風薦空山

氣候殊即次眠食便曉起覓歸路不禁再三歎茲山燦往牒

雲岫夙健羨三日走山麓聊識匡君面何當謝圭組千峰探

欲徧拾松煮瀑水息我雙翮倦捨舟復登舟惆悵猿就檻回

頭眺黃巖飛淙挂匹練

魚梁灘下泊

彭孫通

暝色起何處忽然雲水昏春燒如新月遠挂山一痕寒禽呼  
木杪暗蟲沸草根遙見暝際火知有林外村孤舟欲棲泊石  
溜如雲奔羈旅一無託苑結難自論矯首眺天末躑躅勞心  
魂

香爐峰

王思軾

西江匡廬峰香爐最雄傑日出盪層霄恍觀紫煙爇茲山從  
何來氣勢宛相埒疊嶂覆寒雲懸厓破積鏤造化侈壯觀玩  
好亟陳設狀物實肖形命名紀前哲左顧祇林幽右帶溪流  
潔孤高不可躋一往每百折風雨千年餘石壁陰蘚裂木末  
迴斜陽飛翠互明滅須臾見金光連蜷挂雌霓如彼焚柴升  
崇穹罔不識天門敞虛無臨風數蕭屑

由關門石步行十里登雲頂峯

查慎行

此來爲遊遨忽迫失足慮中情一怵怯進退兩失據墮雲如  
奔逃片片掠面去霞標尚天半欲到苦難遽松根絡崩巖怒  
石虎蹲踞隨身賴竹杖將伯倘予助移時陟層巔鸞鶴似可  
御眼前少行輩坐長丈人倨登頓方自茲休矜最高處

推車嶺

奮身出絕險深入悉平地玩情忘安危履境識難易憑高試  
北望來路直如棄枯株盡僵仆樵採遠莫致野火歲燒林虎  
狼何處避前山有厲禁僧律嚴於帥漸入翠微天濛濛雜煙

樹

自此至天池  
皆禁山矣

大林寺同上人茅齋

盤煙下層霄山骨微負土陰陰日光澹漠漠風氣古寶樹壓  
橋低一溪環菜圃香山舊吟地花徑兼宿菴廢寺亦荒涼半



間用茅補孤清耐久坐客至何必主林靜無匿聲虛簷應樵  
斧

循佛手崖觀竹林寺石刻至訪仙亭

何人鑿渾沌洞戶啓虛牝將飛勢瓏玲吐秀如束筍瞰空白  
石髓萬古凝不墮泉蒸濕氣成一一結芝菌其西勢陡絕難  
以尋丈準天窄忽倒垂地豁平野盡側身壓紫蓋俯背削蒼  
隼傍崖嵌樓臺縹緲海浮蜃青鸞十萬隻掉尾掃欄楯竹林  
疑有無仙者跡久泯短生寄長世跼踏良足憫如何不自廣  
蟠螭同螭蚓御風倘可行吾意欲遠引

下擲筆峰渡將軍河抵黃龍寺觀明慈聖太后所賜紫  
衣經幢及元人十八羅漢畫像

危峰拔奇峭插漢秋崢嶸下走數千尺此身疑被阮溪流寬  
且長潭影黝而清飛泉濺我領過山猶水聲漸入漸無蹊蒼  
松與雲平萬株皆直上曲木何由萌入林見精藍御扁題有  
明敕建自神母豁達開朱甍一道護藏碑蛟龍拱函經袈裟  
垂頻婆錦繡揚旛旌新如手未觸機上初織成元人留畫圖  
用意填丹青年深彩色退神氣乃發生劫火焚天池報封亦  
頽傾黃龍獨無恙故物猶充盈得非深山中呵禁趨百靈勿  
輕現光怪恐使神鬼驚

入九疊谷循觀山麻姑崖經屏風疊上一線天會月暮  
不及觀三疊泉而返

信書不如無身歷解其故好奇輕坦道冒險犯迷路廬山載  
圖經絕勝因瀑布三疊猶稱雄此來期勇赴尋源旣已得一  
壑經屢渡波濤所衝撞石滑不留步荒榛或刺眼蛇虺時挂

樹雲屏橫我前陰瀨風愈怒偕行率興盡深入獨無怖漸上  
一綫天團團失四顧日光所不到勃窣但煙霧徘徊問樵夫  
道遠日已暮逡巡半途廢老懶坐自誤誤事豈可常一悔生  
百悟

棲賢三峽橋

陟山須到巔尋水須到源我從泉源來送汝歸山根上流九  
十九併力同作喧前行經玉淵盡為潭所吞既吞不勝受含  
雪空中歎急峽跨飛橋約束遏其奔一條天矯龍中有跌斷  
痕挾此萬古怒轟轟爭一門遊人不敢立足底防瀾翻松風  
吹細雨到寺將黃昏

玉峽亭觀瀑

女媧煉石年久漏微罅銀河忽垂天峰頂劈二華陰寒透  
毛髮觀者初可怕從來所踞高一跌必就下龍歸爭窟宅思  
以一戰霸雷霆震嚴冬冰雹凜炎夏衝成并萬丈避去石三  
舍束身峭壁旁俯視若出跨相持勢難合掉尾竟傾瀉來者  
競喧囂逝者已代謝風林延靜聽漸遠似分汜縹緲絲車鳴  
泱泱糟牀醉盡平震蕩心坐以觀物化

豐城縣北十里磯頭山上有曲江祠朱文公往還湖南  
時與李後湖姚雪山遊此後人因奉粟主以祀三賢詳  
見李崆峒祠記中今以韋武陽易後湖者訛也

贛江西南來天矯北走龍到此乃東折磯頭扼其衝是名曰  
曲江形勢險且雄扁舟清夜詠倡自紫陽翁同時李與姚杖  
履偕遊從三賢列祀典蔚為名教宗世俗不好古變置靡所  
衷作詩糾繆誤兼以警盲聾

泰和城外望快閣

西昌漢古邑地勢實開拓鏡光十里平倒影見城郭浮圖南  
北峙雙秀拱一閣緬彼白下宰流風宛如昨官清無俗情景  
勝擅傑作冰絃絕已久人境兩寂寞除却謝元暉澄江何處  
著

章貢舟中望崆峒諸山

王原

城南九芙蓉青翠薄雲際二水夾而走如骨綰絡系右脇溯  
峽巖巖勢度州一都會山水富奇麗石城冠樓櫓臺觀猶古  
制羣峰若拱揖一一得延睇昔有躬耕人結廬嘗避世吾欲  
訪白雲何時脫塵繫

馬當

山險有太行水險有呂梁戒心天隨銘兼之惟馬當江外苞  
千山銜尾鞭羣羊茲山大如馬信足趨沈洋江深多洄洑激  
迅起且僵三洲殺其勢避走猶羊腸無風阻牽挽風健虞披  
猖深涉儻為亂欹仄須周防今朝風色正挂席何堂堂擊汰  
恣流覽緩轡行康莊古諺詫神助語或非荒唐

甘棠湖

北郭長江流混混雜黃赤南城千頃波一匳貯青碧小屋叢  
近汀衰楊罨遙陌沙尾古隄橋勝蹟懷先畫一杯若浮杯孤  
亭破煙白匡廬現全身嵐紫落几席傑閣字鏡波五賢妥神  
魄佳日攜朋儕放浪脫巾幘湖山色不改人民已非昔江州  
屬重鎮一再罹兵革休養日已久曾未起羸腊蕭索慘氣象  
憑弔愁過客

雙牌峽

行歷西江山頑礦失奇秀連峰無嫩姿黃鐵冶鑄就頗愛灘  
 下石萬彙窮刻鏤舟入雙牌峽崇岡石骨瘦肘脇態屢遷肌  
 理細生皺中有三數峰崿岒出剔漱餘似未剖璞時亦露指  
 味覩此心目爽足洗衆山陋廿里百折旋十步九宿留水容  
 亦殊絕黝黯慘深晝渟如黛沈膏飄若鏃離殼潭潭蛟龍潛  
 睽睽虎豹鬪溪石厲廉角偏側間踈透反唇來悲啼室吭發  
 狂吼幾時甫出險叵料此峽又篙力怯枝梧筧挽戒踣仆遊  
 目未憎數王程迺羈逗胡然歎滯淫難進固素守

下十八灘

邱成和

昨買虎頭船朝辭龜尾閣來日出重灘石齒排劍鏑擲我七  
 尺軀乃知端居樂天柱浪已高惶恐風愈惡雲晝萬安城霞  
 夕泰和郭月上指廬陵汀沙宜早泊邨沽聊取醉適寢免夢  
 噩千里一孤帆飄飄似秋籜

鹿洞西望星眼

五老峯中兩峯相交而中逗光名星眼

于特

山上有匡廬山下有白鹿啓扉見峰頭曙星凌空轟靜觀常  
 如期更極千里目五老時顧予顏色蒼以穆子亦顧五老爽  
 氣相往復

我眉巖

鍾宏理

我聞我眉山穹然表西蜀日月磨其巔冰雪夏常蓄岷嶓莫  
 敢衡登者盡駭矚胡為薌溪巖嘉名亦相續攬勝遲良朋行  
 行路彌曲林莽氣蕭爽岡巒時起伏道經五面峰巉巖削寒  
 玉峰迴路漸轉蒼翠色可掬仰視天半巖宛如列眉目琳宮  
 依石罅無假五丁築飛閣迴凌空鳶鳥寄巢宿羣峰勢環抱

俯首千仞谷天風吹我衣長嘯振林木稍稍近欄楯下視瞻  
已縮陰雲展靈旗急雨過山麓似有蛟龍潛腥風不可觸下  
經山崦行繞畦盡修竹石橋跨危礀泠泠瀉泉綠傍有小石  
巖深廣亦如屋春鑪自成列瀟洒出塵俗翹首山頂峰壁立  
如斧斲攀躋苦無徑終古絕樵牧為語素心人好自迴芳躅  
若陟此山巔定效華峰哭

入華子岡

李灝

崇岡逼天關迤邐入寒山涼颼四面來飄泊噴紅泉吾行仗  
輕策裊糧擬昔賢伐木追險道聳身陟高阡幽人何時來彷彿  
生紫煙側聞華子期長嘯空魚笓玉棺琢千載金籙太上  
傳遠眺天柱峰孤光隱目前麻源望三谷清泠亦潺湲響折  
謝公履高下聲楚然

青玉峽用范文正公觀瀑韻

陸奎

峰頭鶴不鳴亭隅泉可挹氣通源故高脉束流始急潭影涵  
空明觸石怒陡立雙龍挾雷飛萬古罕得蟄東為馬屏水西為瀑布泉其究  
也灑雪上青松天繪妙於濕攜來謫仙謠陋彼鮫宮泣樵斧  
韻丁丁磨崖覲深入

三峽橋次東坡韻

盤盤踰七尖飛梁跨巖溜險若象馬蹲猛與風霆鬪般匠始  
經營鬼工默左右迤東轉靈竒一泓聚百竇至淵潭受支流九十九有九爪

滅踏雪鴻毛寒飲澗狄水波卷復圓山骨齧逾透下上判玉

容潭水上白下綠畫工所難烘染小大遞金奏問塗涉九洪指月滿三穀何

物鎮山門有詩惱清晝齒剛遜舌柔白石耐可漱

華溪行 并序

藍千秋

江西通志 卷一百四十九  
癸巳冬臨川洪獅山橫秋話雙烈事請賦詩備史官拾遺  
乙卯長興之難金溪黃生婦靜姑及其女慧悅死華溪婦  
臨川故太常卿傅榭孫太學生占衡女占衡師方城先生  
有文譽獅山五丈云

伊昔十三祀七閩遭逆孽妖氛扇江湖流毒最慘烈天兵指  
南荒玉石俱焚滅下馬截人頭上馬擁雲髮婦女泣且行宛  
若連娣姪刁劍耀雪霜誰能即引決乙卯屠長興居民競奔  
蹶金谿有賢姝孀女獨秉節悠悠經三紀長老為余說姝本  
名家子臨汝舊閨閣嫁作黃生婦簾幃自修潔上有老姑嫜  
甘旨靡遺缺下有出腹女小字為慧悅窈窕垂雙鬢足跡未  
踰闌厄運干戈際踉蹌竄巖穴中道逢雷雨追騎又撇挾板  
橋擠欲顛溪漲不可越惶急語藁砧雍樹涉倉猝阿女甫濟

岸阿孀已陷沒顏色不變更舉趾何勃窣給以緩須臾戒以  
勿搪突祇恨倥傯間未與老姑別臨流拜復啼此生已永訣  
拜罷赴溪湍一軍駭咤咄其女隔岸呼孀去莫單子躍身隨  
逝波相從絕澗湜至今溪水鳴如聞泣嗚咽寂寞東門祠烈故

女祠在  
金谿

無人監碑碣我聆是語已太息中腸熱二女扶人極

千載猶凜冽空谷芝蘭芳不以顯晦輟所愧逐浮華大節誰  
昭揭賦詩紀幽身上偕星與月華溪成岡陵英聲無衰歇

峽江烈孝詩

李紱

峽江古金川練公最奇崛遺風里閭盛士女識忠節有明國  
運終流寇作妖孽獻賊尤克殘原野饜膏血其徒張其在虐  
焰燎素吉蔓延至硯溪胡氏衣冠列於赫楊太君罵賊氣不  
屈穿齧碎張齒噴血斷顏舌二子故文弱孝義激倉猝裂眦

起徒搏白刃怒可奪若坦從母亡若均力已竭仆地就駢誅  
 存婦志尤烈涕泣護夫體玉碎蘭芽折願從我姑死庶幾我  
 夫活吾聞曾文忠櫻大節高門閥故應羣從間教成到閨闈  
若均婦為文忠從子世衰正氣微忠孝不可詰死生亦大矣轉念足已  
 失偉哉胡氏門卓犖萃三傑諸孫我同譜舊事語酸咽使舟  
 行皇皇無由拜碑碣短章志感喟頑懦藉奮發風濤怒擊撞  
 魂夢夜超越

蓮溪行

馮謙

往昔亂初平悍卒同豺虎恣意肆殺掠村落無完堵哀哉周  
 氏婦無由避剽虜宛轉衢路間夫妻魚在釜陽言脫其夫甘  
 心膏鑽斧心慧由性真霜刃烏足懼泠泠蓮溪水鬱鬱南村  
 樹悲風為我鳴烈義莽塵土孔塘周灼九妻危氏避兵村南蓮溪嶺遇害時年二十有六

龍珠寺分韻得自字

楊枝遠

塵外構寒龕洗然清淨地藤徑何幽幽野客三五至道逢種  
 藥僧笑揖問何自荅云雲外人來訪雲中寺款曲話未終解  
 衣挂薜荔維時孟夏初草木紛森蔽日色寒深松暗泉咽危  
 砌有鳥結羣來翛然發清唳崖虛更無人谷暗疑有魅我欲  
 陳此情此情杳難會山風振瑤琴泠泠發幽思

建昌山下渡

萬承蒼

西山勢北走長河亟截斷猙獰萬獅虎屏息如讓畔中流一  
 葦杭俯見沙礫粲垂楊蔭魚磯人家在西岸炊煙四面起偃  
 蹇坐虛館溪澄刮青銅壤闢鋪繡案放神向寥廓流目入澶  
 漫高天鴻雁沒遠浦牛羊散遙睇紫霄峯峩峩插星漢匡君  
 棲隱處白雲為之冠意與洪厓子靈境各據半中剩寬閒地

江西通志 卷一百四十九  
世人得畊灌欣賞未云足登車日將晏首塗困犖确及此方  
泮奐明晨陟峻坂心知有奇觀轉恐我僕痛臨岐忽成歎  
九江道上黃菊盛開經數百里不絕傳是東籬遺種

江州古時路黃花翳連岡舉世無人識飄零隨曉霜陶公感  
蕭晨采之助飛觴遂令千載後華屋延秋光亭亭金石姿不  
隨世炎涼清泉濯宿根空山抱孤芳一承君子顧紉結古錦  
囊豈惟制頽齒令德滋日章所以浮湘者亦欲餐其英柴桑  
今為墟此意誰與明

初入廬山

廬山信奇絕我來及初冬羣陰一以擎了了辨諸峯旭日射  
巖谷光彩相沓重西峯松上翠潑向東峯松欹石盤鶴鶴枯  
藤偃蛇龍中有太古入出沒無定踪行行度幽澗忽聞煙際

鐘誰從宗竺遊吾方媿塵容

古杉詩 并序

甘汝來

縣東三里許由鄭家洲渡河而東有白象山余家祖塋在  
焉歲壬午家大人復卜葬先太父於祖塋之左後二十年  
次辛丑先大母卒又祔葬焉去墳一尺稍偏左有古點一  
株圍可四尺高不過丈餘頂禿無梢杪枝極橫披團團交  
錯望之類張蓋相傳近千年物也詩以志之

南昌古豫章以樹名郡治梓生松陽門榮悴關隆替南康吾  
支郡嶽山在其地上有陳蕃墓兩杉入雲際誰其十年樹喬  
木匪偶寄下鍾地之靈上秉天之氣象山我家塋馬鬣封先  
世土角流金星形家茲可誌婆娑一古點孤幹亭亭植春夏  
敷榮華秋冬彌蒼翠太傅墳前杉上下論年歲吁嗟此古木



且似植其類惟我大父母矯矯同風味盤錯係綱常磨礪成  
節義會合待十年造物有深意雨露日滋榮永言受蔭庇

渡潯陽江經廬山至德安次香山德安趨潯陽韻却簡  
桂川太守 錢陳羣

侵曉薄潯陽煩慮始一展廣川利泛涉層巒揖清緬穿石水  
紆迴出岫雲舒卷攀危倚僮僕攬勝去惟憶西崦竹迳封東  
林碑字蘚登頓信云疲散誕乃忘倦山程延信宿節屋就偃  
蹇復此遵脩塗仍欣開別巘村稠市稍喧礧豁路初轉通律  
俯金帶古渡歷敷淺稽圖豈遂遊考志聊紀顯凌虛馬蹄蹴  
窮皺吾目眩題詩報故人即事得幽遣

廬山桂谷白太傅即用其韻

物生各傳地命之實由天天公但隨地無意於其間如魚必

樂水飛走各依山匡廬毓靈異能使桂樹鮮不聞芭蕉卷禪  
理參牢堅高松倚幽澗菁葱不計年其種遭蒸爨焉知幾萬  
千荔子堆滿地狼藉陳家園豈無一顆貴紅巾貢御前

重陽前一日同闈中諸公晚出至公堂觀屏風所刊

御製題貢院詩遂登明遠樓用韋蘓州郡齋雨中與諸文士燕

集韻

列棘撤深院晚桂敷叢香樓高延江氣衣薄怯池涼執事方  
散去紆步迴公堂豈惟適眺聽於茲覩時康鱗鱗別號舍辛  
苦誰能忘以人有同趣感遇皆親嘗右文攄令德煌煌垂詩  
章思通風雲迴勢轉鸞鳳翔洪都磊落州聲教何洋洋凌虛  
發清唱永言表南疆

往與新喻晏中丞虞際同年友善余奉使豫章虞際以

奉母里居相距四百里握手願違悵焉有寄和陶詩答  
龐參軍詩韵

入覲秉東節尊酒遺令言自昨辭湘水乞養怡田園化俗敦  
孝弟娛情寄詩篇古有求忠訓今茲豈不然相期同心舊終  
虛執手緣章江有雙鯉尺素聊與宣思君一延佇孤雲移秋  
山金石苟不渝何必皆盛年

阻風北蘭寺下寺僧送桂花一枝留話移時用陶詩形  
贈影韵

地偏艤舟宿風號及晨時江行不計程去住信所之執手別  
千里瞻言猶在茲化人復何事夙興恐後期殷勤折晚桂似  
結塵外思况余遲暮影對之增悽泐題詩聊相答仰俯無復  
疑混茫一窮達此義非言辭

守風江干晚眺西山用陶詩庚子歲五月中從都還阻  
風於規林二首韵

假日自茲始紫邏還敝居水清映木石村靜絕喁于朔風迴  
去柁枉渚守一隅江勢有分派所即遂異塗隣船喧遠岸夕  
景散秋湖時序默改謝川原呈蕭疎觀物無竟極相遇瞻望  
餘多情有西嶺獻秀復何如  
思歸匪不速信宿安所之弟妹各一方聚首難與期獨鳥餘  
遠思孤雲有還時昨日盛高會今者淹在茲故山信去戀厚  
祿誰當辭晨發沿江水東指夫何疑

瑞洪晚汎用陶詩影答形韵

白板造江舟迴轉極迂拙帆駛岸非移沙互路豈絕野色無  
逢迎目遇隨所悅前林方延勝柁候忽已別風止雨初濛雲

江西通志 卷一百四十九  
隱星未滅微蒸欲解帶薄陰釀秋熱榜人但知進用力戒分  
竭停舟侶鳧雁即事信不劣

自餘干至廣信灘行五百里憶曩遊閱四十年復問津  
焉慨然有作和貧士七首韻

往遊如去水旅夢猶依依豈期復訪來短楫遲清暉林鳥似  
相識睨皖相鳴飛水喧漁舟出谷響樵人歸群動各有托所  
苦寒與饑人生不滿百安能長獨悲

其二

碧梧蔭嘉閣丹桂榮舊軒國典重休沐暫許歸邱園邱園隔  
千里江蕪自生烟閑情此孤寄默默惟靜研所思在遠道平  
生邀一言媿乏理人術頰首思前賢

其三

急湍落秋峽韻叶太古琴偶然到枕上寂寞餘清音披衣中  
夜起欲即不可尋村醪尚盈缶獨飲自勸斟飲中有賢聖至  
理吾所欽流行與坎止誰與諧此心

其四

耳目有偏寄陋彼曠與婁如何生使獨相任不相酬覆載廣  
且大街羽唾周周本無神仙訣安能遣煩憂生逢堯舜君都  
俞况同儔假手獲所請于焉終吾求

其五

舟人日理楫他務非所干如何食君祿而忍尸其官旅行廢  
晨興及午方朝餐日來風力勁襍被知天寒酌酒對霜葉相  
顧非盛顏李耳識此意青牛過函關

其六

扁舟滯雲水理本如飛蓬論文契獨賞舉世稀國工宣乘起  
雲陽楚北失二龔結習苟或異領趣安能同灼然見大川非  
緝信難通九京如可作斯致當誰從

其七

同朝有衆正先後來名州僚屬共砥礪清節誰與傳  
餞徹復相送卮酒臨中流酒半一敦勉各爲蒼生憂顧余寡長策厚  
意竟莫酬何以慰相思努力期信修

十月二日過玉山作和九日閑居韻

連岡亘平地于役日勞生一從上帝錫遂遺懷玉名夜來仰  
星象珠斗相輝明少日曾度此倚松聞泉聲今復松下過對  
之感衰齡晚禾霜前熟新釀槽間傾山農識先事秋盡規春  
榮竹石蘊深致禽鳥披餘情笑彼淹留客終歲竟何成

東林寺

金德瑛

東林西林寺當九江至南昌之孔道今東林驛即以  
寺爲名寺中爲往來行人踐踏不堪慧遠當日胡弗  
擇廬山幽邃而托足焉其意良欲與士大夫輩相往  
還耳豈真忘名之徒哉且其地絕少幽勝即白司馬  
遊宿皆山北麓去城郭甚邇而山南之奇觀則白公  
未之及也

出郭三十里息駕廬山陰喬木標古刹言是東西林遠師負  
高名影堂傳至今雖面香鑪峰托足苦未深士既志出世魚  
鳥同飛沉肯令軒冕輩車馬來駸駸晉人惟好事緇流亦浸  
淫活活虎溪水難洗戀名心淵明不降志自得絃外音慧遠  
弗之就反欲相逢迎我聞栗里石雲深不可尋

江西通志 卷一百四十九 四十三  
游九峰寺

略約度八九泉水流琤淙一峰復一峰引入九峰中石橋三  
澗合虛亭四面通老僧七十餘耳目殊清聰徒衆自耕食山  
菜供煮烘水勢猶出谷僧杖無移蹤笑語留貴客小住亦從  
容

獅子菴

茂竹掩行徑高柯早蟬鳴山僧閉關坐籬落犬有聲忽聞剝  
啄響爲我啟軒楹清風時一吹衣袂皆飄輕茶水自採汲此  
外何營營

道源書院贈南安游心水太守

孟後千餘載周子紹微言生知無師授獨臻闕與全得二程  
子徒日月回中天南安雖僻郡司李栖龍鸞大賢過化地飲  
水應尋源胡爲過嶺士競慕南華禪修途闢易塞野火撲更  
然英哲尚迷方狂騁如風顛太守篤經術仁讓變鷹鷂一綫  
扶正學辛勤歷十年郡東峙佳嶺秀色羅雲烟翦除伽藍宇  
改作禮義門堂中四粟主俎豆昭古蠲民懷功德在配以王  
伯安典型斯可仰百世興儒頑十室有忠信入里必式焉寧  
謂四邑陋不堪與陶甄招來青衿子黌舍數十間擇師具餼  
稟琢璞成璣璠我來一登拜俯仰發清妍齊月光風境宛然  
落目前君政異俗吏必以德教先邦人如鄒魯君名當不刊

稟經難效與香又不一登拜抑以發青形覆民共風竟空然  
 陪四邑賦不基與岡理味來青領子贊舍樓十間鞞哨具巖  
 的交典堅淇可叶百世興訓既十室百忠計各里必左燕寧  
 如於豔羨門堂中四粟主監豆粥吉醴刃刺如斯玉唱以王  
 赴五學幸謹聖十平時東和卦蔚夜色羅雲臥蕙斜叶蓋宇  
 慈英訪尚數太拜轉叶風鎮太平薰醪淋二藉變鸞鱸一翫  
 水飄尋感陶為國蔚士競慕南華鞞於金闕長塞裡火對夏

江西通志卷第一百五十

藝文 詩四

七言古

唐

滕王閣詩 并序

王勃

南昌故郡洪都新府星分翼軫地接衡廬襟三江而帶五  
 湖控蠻荆而引甌越物華天寶龍光射牛斗之墟人傑地  
 靈徐孺下陳蕃之榻雄州霧列俊彩星馳臺隍枕夸夏之  
 交賓主盡東南之美都督閣公之雅望榮戟遙臨宇文新  
 州之懿範瞻帷暫駐十旬休假勝友如雲千里逢迎高朋  
 滿座騰蛟起鳳孟學士之詞宗紫電清霜王將軍之武庫  
 家君作宰路出名區童子何知躬逢勝饌時維九月序屬

三秋潦水盡而寒潭清煙光凝而暮山紫儼驂駢於上路  
訪風景於崇阿臨帝子之長洲得仙人之舊館層巒聳翠  
上出重霄飛閣流丹下臨無地鶴汀鳧渚窮島嶼之縈迴  
桂殿蘭宮列岡巒之體勢披繡闥俯離薨山原曠其盈視  
川澤紆其駭矚閭閻撲地鐘鳴鼎食之家舸艦彌津青雀  
黃龍之軸雲消雨霽彩徹區明落霞與孤鶩齊飛秋水共  
長天一色漁舟唱晚響窮彭蠡之濱鴈陣驚寒聲斷衡陽  
之浦遙吟甫暢逸興遄飛爽籟發而清風生織歌凝而白  
雲遏睢園綠竹氣凌彭澤之樽鄴水朱華光照臨川之筆  
四美具二難并窮睇眄於中天極娛遊於暇日天高地迥  
覺宇宙之無窮興盡悲來識盈虛之有數望長安於日下  
目吳會於雲間地勢極而南溟深天柱高而北辰遠關山  
難越誰悲失路之人萍水相逢盡是他鄉之客懷帝閭而  
不見奉宣室以何年嗟乎大運不窮命途多舛馮唐易老  
李廣難封屈賈誼于長沙非無聖主竄梁鴻於海曲豈乏  
明時所賴君子見幾達人知命老當益壯寧移白首之心  
窮且益堅不墮青雲之志酌貪泉而覺爽處涸轍以猶懽  
北海雖賒扶搖可接東隅已逝桑榆非晚孟嘗高潔空餘  
報國之情阮籍猖狂豈效窮途之哭勃三尺微命一介書  
生無路請纓等終軍之弱冠有懷投筆慕宗慤之長風捨  
簪笏於百齡奉晨昏於萬里非謝家之寶樹接孟氏之芳  
鄰他日趨庭叨陪鯉對今茲捧袂喜託龍門楊意不逢撫  
凌雲而自惜鍾期旣遇奏流水以何慙嗚呼勝地不常盛  
筵難再蘭亭已矣梓澤邱墟臨水贈言幸承恩於偉餞登

江西通志 卷一百五十一  
高作賦是所望於羣公敢竭鄙懷恭疏短引一言均賦四  
對雲雨情麗潘江各傾陸海

高閣臨江渚珮玉鳴鸞罷歌舞畫棟朝飛南浦雲珠簾  
暮捲西山雨閒雲潭影日悠悠物換星移幾度秋閣中帝子  
今何在檻外長江空自流

寒食江州蒲塘驛

宋之問

去年上巳洛橋邊今年寒食廬山曲遙憐鞏樹花應滿復見  
吳洲草新綠吳洲春草蘭杜芳感物思歸懷故鄉驛騎明朝  
宿何處猿聲今夜斷君腸

送從弟遊江淮兼謁鄱陽劉太守

李頎

都門柳色朝朝新念爾今爲江上人穆陵關帶清風遠彭蠡  
湖連芳草春泊舟借問西林寺曉聽猿聲在山翠潯陽北望  
鴻雁回湓水東流客心醉須知聖代舉賢良不使遺才滯一  
方應見鄱陽虎符守思歸共指白雲鄉

廬山謠寄盧侍御虛舟

李白

我本楚狂人鳳歌笑孔丘手持綠玉杖朝別黃鶴樓五嶽尋  
仙不辭遠一生好入名山遊廬山秀出南斗傍屏風九疊雲  
錦張影落明湖青黛光金闕前開二峰長銀河倒挂三石梁  
香爐瀑布遙相望迴崖沓嶂凌蒼蒼翠影紅霞映朝日鳥飛  
不到吳天長登高壯觀天地間大江茫茫去不還黃雲萬里  
動風色白波九道流雪山好爲廬山謠興因廬山發閒窺石  
鏡清我心謝公行處蒼苔沒早服還丹無世情琴心三疊道  
初成遙見仙人彩雲裏手把芙蓉朝玉京先期汗漫九垓上  
願接盧敖遊太清



廬山歌送至弘法師兼呈薛江州

皇甫冉

釋子去兮訪名山  
禪舟容與今住仍前猿啾啾  
兮愁月江渺渺兮多烟  
東林西林兮入何處上方  
下方兮通石路連湘接  
楚饒桂花事久年深無杏  
樹使君愛人兼愛山時引  
雙旌萬木間政成人野皆  
不擾遂令法侶性安閒

送王侍御赴江西兼寄李袁州

韓翃

中朝理章服南國隨旌旆  
臘酒湘城隅春衣楚江外  
垂簾白角簾下筇鱸魚膾  
雄筆佐名公虛舟應時輩  
按俗承流幾路清平明山  
靄春江雲溢城詩贈魚司  
馬汝水人逢王右軍綠蘋  
白芷遙相引孤興幽尋知  
不近井上銅人行見無湖  
中石燕飛應盡禮門前直  
事仙郎腰垂青綬領咸陽  
花間五馬迎君日雨霽煙  
開玉女岡

廬山瀑布歌送李頎

顧况

飄白霓挂丹梯應從織女  
機邊落不遣潯陽潮向西  
火雷劈山珠噴日五老峰  
前九江溢九江悠悠萬古  
情古人行盡今人行老人  
也欲上山去上箇深山無  
姓名

同裴觀察東湖望山歌

浴鮮積翠栖靈異石洞花  
宮橫半空夜光潭上明星  
啓風雨壇邊樹如洗水淹  
徐孺宅恒乾繩墜洪崖井  
無底主人載酒東湖陰遙  
望西山三四峯

琵琶行 并序

白居易

元和十年余左遷九江郡司  
馬明年秋送客湓浦口聞舟  
中夜彈琵琶者聽其音錚錚  
然有京都聲問其人本長安  
倡女嘗學琵琶於穆曹二善  
才年長色衰委身為賈人婦

遂命酒使快彈數曲曲罷憫然自敘少小時歡樂事今漂  
淪憔悴轉徙於江湖間余出官二年恬然自安感斯人言  
是夕始覺有遷謫意因爲長句歌以贈之凡六百一十六  
言命曰琵琶行

潯陽江頭夜送客楓葉荻花秋瑟瑟主人下馬客在船舉酒  
欲飲無管絃醉不成歡慘將別別時茫茫江浸月忽聞水上  
琵琶聲主人忘歸客不發尋聲聞問彈者誰琵琶聲停欲語  
遲移船相近邀相見添酒回燈重開宴千呼萬喚始出來猶  
抱琵琶半遮面轉軸撥絃三兩聲未成曲調先有情絃絃掩  
抑聲聲思似訴平生不得志低眉信手續續彈說盡心中無  
限事輕攏慢撚抹復挑初爲霓裳後六么大絃嘈嘈如急雨  
小絃切切如私語嘈嘈切切錯雜彈大珠小珠落玉盤間關  
鶯語花底滑幽咽泉流水下灘水泉冷澀絃凝絕凝絕不通  
聲暫歇別有幽愁暗恨生此時無聲勝有聲銀瓶乍破水漿  
迸鐵騎突出刀鎗鳴曲終收撥當心畫四絃一聲如裂帛東  
船西舫悄無言唯見江心秋月白沈吟放撥插絃中整頓衣  
裳起斂容自言本是京城女家在蝦蟆陵下住十三學得琵  
琶成名屬教坊第一部曲罷長教善才服妝成每被秋娘妒  
五陵少年爭纏頭一曲紅綃不知數鈿頭銀篦擊節碎血色  
羅裙翻酒汗今年歡笑復明年秋月春風等閒度弟走從軍  
阿姨死暮去朝來顏色故門前冷落鞍馬稀老大嫁作商人  
婦商人重利輕別離前月浮梁買茶去去來江口守空船遶  
船明月江水寒夜深忽夢少年事夢啼妝淚紅闌干我聞琵  
琶已歎息又聞此語重唧唧同是天涯淪落人相逢何必曾

江西通志 卷一百五十一 五  
相識我從去年辭帝京謫居臥病潯陽城潯陽地僻無音樂  
終歲不聞絲竹聲住近湓江地低濕黃蘆苦竹遶宅生其間  
旦暮聞何物杜鵑啼血猿哀鳴春江花朝秋月夜往往取酒  
還獨傾豈無山歌與村笛嘔啞嘲哳難爲聽今夜聞君琵琶  
語如聽仙樂耳暫明莫辭更坐彈一曲爲君翻作琵琶行感  
我此言良久立却坐促絃絃轉急淒淒不似向前聲滿坐重  
聞階下履座中泣下誰最多江州司馬青衫濕

臨川逢陳百年

李咸用

麻姑山下逢真士元膚碧眼方瞳子自言混沌鑿不死大笑  
老彭非久視強爭龍虎是狂人不保元和虛扣齒桃花雨過  
春光膩勸我一杯靈液味教我無爲禮樂拘利路名場多忌  
諱不如含德反嬰兒金玉滿堂真可貴

遠公亭牡丹

雁門禪客吟春亭牡丹獨逞花中英雙成膩臉偎雲屏百般  
姿態因風生延年不敢歌傾城朝雲暮雨愁娉婷蕊繁蟻脚  
黏不行甜迷蜂醉飛無聲廬山根脚含精靈發妍吐秀叢君  
庭湓江太守多閒情闌朱繞絳留輕盈潺潺綠醴當風傾平  
頭奴子啾銀笙紅葩豔豔交童星左文右武憐君榮白銅鞮  
上慙清明

靈棲巖

張諤

截截業業如山簇磊磊落落石如屋下有綠樹之陰陰下有  
寒溜之涔涔通天有竇十餘丈遊子捫蘿來復往是中端合  
巢神仙桃花流水何杳然我來正值春風暮似笑賢勞又還  
去準擬醜酒聊從容對此坐想飛來峯

宋

入贛聞曉角有作

趙抃

江南歷盡佳山水獨贛潺潺三百里移舟夜泊惶恐灘畫角  
烏鳥曉風起棲鷗宿鷺四散飛夢魂驚入漁樵耳三通迤邐  
東方明又是篙工過行矣橫波利石千萬層板繩縛頸如山  
登岸途終致險且升自顧忠信平生憑

廬山高贈同年劉中允歸南康

歐陽修

廬山高哉幾千仞兮根盤幾百里截然屹立乎長江長江西  
來走其下是爲揚瀾左里兮洪濤巨浪日夕相舂撞雲消風  
止水鏡淨泊舟登岸而遠望兮上摩青蒼以瞰靄下壓后土  
之鴻龐試往造乎其間兮攀緣石磴窺空豁千巖萬壑響松  
檜懸崖巨石飛流淙水聲聒聒亂人耳六月飛雪灑石磊仙

翁翁釋子亦往往而逢兮吾嘗惡其學幻而言詭但見丹霞翠  
壁遠近映樓閣晨鐘暮鼓杳靄羅幡幢幽花野草不知其名  
兮風吹露濕香澗谷時有白鶴飛來雙幽尋遠去不可極便  
欲絕世遺紛雇羨君買田築室老其下插秧盈疇兮釀酒盈  
缸欲令浮嵐暖翠千萬狀坐臥常對乎軒窗君懷磊砢有至  
寶世俗不辨珉與玳策名爲吏二十載青衫白首困一邦寵  
榮聲利不可以苟屈兮自非青雲白石有深趣其氣兀硜何  
由降丈夫壯節似君少嗟我欲說安得巨筆如長杠

雙井茶

西江水清江石老石上生茶如鳳爪窮臘不寒春氣早雙井  
芽生先百草白毛囊以紅碧紗十斤茶養一兩芽長安富貴  
五侯家一啜猶須三日誇寶雲日注非不精爭新棄舊世人

情豈知君子有常德至寶不隨時變易君不見建溪龍鳳團  
不改舊時香味色

題袁州東湖盧肇石

祖無擇

袁山之陽秀水側草覆遺基誰氏宅皆云子發其姓盧往以  
文章名藉藉宅中舊物何所存惟有嶙峋一巨石闊纔三尺  
高倍尋久臥塵沙羣瓦礫余心好異因獨往下馬環觀聊拂  
拭地表可見十二三已足怪駭動魂魄呼工運插塹其旁挽  
以長繩百夫力謹然鼓譟登大車恍爾如蒙巨靈劈選置東  
湖最佳處四面澄波映天碧倚空突兀無與隣頓覺亭臺增  
氣色彎環幽竇莫敢探恐有乖龍飛霹靂余嘗南遊到陽朔  
衆峯矗矗春筍植捫蘿踏蘚窮之遍若此奇峰曾未識郡人  
奔走來如雲故老驚視復唧唧乃言此石遇真賞屈指於今  
年二百沈埋曠代誰爾珍一日光價逾荆璧嗟余東駿大夫  
後區區志尚惟孤直十年再謫非不窮猶慕堅純無改易如  
何故老不我愚感物再三形嘆息石不能言人有言勿使他  
時重埋阨

寄題沈北部江州齊雲樓

梅堯臣

遠目不高不可極朱樓要與浮雲齊江流萬古平決莽山雨  
一過寒淒迷賈客檣下望吹笛漁郎浦前看斷霓攸飛射蛟  
水花伏高士種柳煙條低羣雁有時至自北洪潮到此不更  
西君家隱侯有八詠風雅未盡留人題

送施屯田提點銅場兼相度嶺外鹽入虔吉

江西采銅山未竭南越熬波海將結土人貪利不畏刑白日  
持兵逾盜竊銅私鑄器鹽奪商死共吏爭蛇鬪穴姦豪乘勢

倚蠻陬劫掠聚徒成蟻垤今雖驅翦嶺下平尚恐根存更生  
孽因擇健才通便民付職與權將有設秋香亭上共爲賓却  
作主人殊少悅徂東走北十五年只有山川看不別

甘露亭詩

李觀

乾坤父母莫匪慈胚胎億兆成角羈其間哺乳不及處有時  
泣殺呱呱兒南州上游號沃野景祐丙子嘗凶饑新田始苗  
舊穀罄十室八九無晨炊伏陰何者不仁甚釀作水災來助  
之煙煤刷天雨汁黑嘔山泄谷爭奔馳橫流一夜打城郭萬  
弩竊發穿毛皮東隅有洲尸揖揖如蟻欲走遭水圍屋根無  
力樹腰折蛟蜃食人猶擇肥濤波一望萬山阻六親不得相  
扶持國子劉公好仁者惟時假守茲軍麾民生在我不在命  
造舟往救無敢違童兒赤立婦女困載之剗木何纍纍泥沙

外冷內飢渴口噤不語如狂癡牽攀坐臥滿府舍試以酒飲  
加饘糜隨流往往亦不死遠在百里無人知捐金購得問氏  
姓名使親族攜之歸司農倉廩盡發出不待奏報先施爲有  
餘況可補不足大賈蓄家如響隨來贍去察夜繼晷赤熱不  
忍蔭華榭由斯一郡十萬戶餓膚日月生膏脂存者相保沒  
者葬唐虞仁壽重毆躋聖主養賢賢養物氣和郁郁通高卑  
城西老宮古松徑一朝墜露甘如飴千柯萬葉結不解玉階  
瓊樹光離離眈俗奔走競觀覩手攀口吮同齋咨學老之人  
周氏子好善不類黃冠師欲令事迹絢久遠築亭其地高巍  
巍公之歸朝不可借松樹至今猶未衰我作此詩揭亭上他  
年墮淚如羊碑

大孤山詩

黃庶

江西通志 卷一百五十一  
彭蠡百里南國襟萬頃蒼煙插孤岑不知天星何時落春秋  
不書不可尋石怪木老鬼所附茲乃與水同浮沈鳴鳩大藤  
樹下廟祭血不乾年世深舳艫千里不敢越割牲醢酒來獻  
斟我行不忍隨人後許國肝膽神所歆落帆夜宿白鳥岸睥  
睨百遶寒藤陰銀山大浪獨夫險比干一片崔嵬心宦游遠  
去父母國心病若有山水淫江南畫工今誰在拂拭東絹傾  
千金

彭蠡

王安石

茫茫彭蠡春無地白浪春風溼天際東西揆拖萬舟回千歲  
老蛟時出戲少年輕事鎮南來水怒如山帆正開中流蜿蜒  
見脊尾觀者膽墮予方吟衣冠今日龍山路廟下沽酒山前  
住老矣安能學飲飛買田欲棄江湖去

遊麻姑山

曾鞏

軍南古原行數里忽見峻嶺橫千尋誰開一徑破蒼翠對植  
松柏何森森危根自迸古崖出老色不畏莓苔侵修竹整整  
儼朝士下蔭石齒明如金遂登半嶺望城郭但見積靄縈江  
潯岡陵稍轉露樓閣沙莽忽盡橫園林秋光已過花草歇寒  
氣況乘崑谷深我馳輕輿豈知倦倏忽遂覺窮嶽峯龍門誰  
來此中鑿玉簡不記何年沈泉聲可聽真衆籟泉意欲寫無  
瑤琴斗迴地勢平如削穉稷百頃黃差參洞開三門兩出路  
却立兩殿當崖陰深廊千步抵崑腹桀木萬本摩天心碑文  
磊嵬氣不俗筆畫縹緲工非今世傳仙人家此地天風泠泠  
吹我襟今人豈解不老術可怪綠髮常盈簪根源分明我能  
說一室傾倒輸琅琳相高旣不擁耒耜方壯又不持戈鐔我

通志 卷一百五十一  
丁軻車直喜虛曠開煩襟清謠出口若先搆白酒到手無停甚山人執袂與我語留我饋我山中禽玲瓏當窗急雨灑窈窕隔溪孤笛吟未昏已移就明燭病骨夜宿添重衾神醒氣王日無睡到曉獨愛流泉音起來身去接塵事片心未省忘登臨

丹霞洞

麻姑石壇起雲霧常意已極高峰巔豈知造化有神處別聳翠嶺參青天長松桀柏枝嵬岢中畫一道如流泉林風颼颼滿邱壑山鳥嘲哢凌飛煙山腰古亭豁可望下見秋色清無邊忽驚陰崖勢迴合中抱幽谷何平園初誰鑿險構棲觀更使遠舍開芝田令人到此毛骨醒欲拚老筆丹青傳羨夸干戈今未解天地瘡痍誰能痊大厦棟梁置沙莽肯復顧盼梅與椽吾徒於時直何用欲往未得心茫然

發松門寄介甫

南風夜發吹孤舟起視北極星辰稠曉開征帆破長浪挾以兩艙當中流松門東面見廬阜其上少日煙氣浮舟人指我極四望黑處無底蛟龍湫楛溪左蠡信浩蕩兩涘若粒分岡邱落星困困孰可狀清漢夜獨垂牽牛故人會期此同載捨權直抵雲山遊念今五載負期語心獨動蕩風中旂况聞肥遯須在山早時事力胡能謀所嗟親老食未足安得一畝操鋤耰此言此笑吾自取非子世孰吾相投今諧與子脫然去亦有文字歌唐周

麻姑山送南城尉羅君

麻姑之路摩青天蒼苔白石松風寒峭壁直上無攀援懸磴



十步九屈盤上有錦繡百頃之平田山中道人耕紫煙又有  
 白玉萬仞之飛泉噴崖直瀉蛟龍淵豐堂廣殿何言言階脚  
 插入斗牛間樛枝古木不記年空槎枵然臥道邊幽花自嬋  
 娟林深為誰妍但見塵消境靜翔白鶴吟清猿雛禽乳鹿往  
 往嗥荒巔却視來徑如緣絙千重萬疊窮巖巒下有荆吳粟  
 粒之羣山又有甌閩一髮之平川弈棋縱衡遠近布城郭魚  
 鱗參差高下分岡原千奇萬異可意得墨筆盡禿誰能傳丈  
 夫舒卷要宏達世路俯仰多拘牽偶來到此醒心目便欲洗  
 耳辭囂喧羅夫子一日遠補東南官愛此層崖峻壑之秀發  
 開軒把酒可縱觀喜此披霄插漢之負起出門舉足得往還  
 羅夫子一尉龍蛇方屈蟠此邦人人衣食足闔境年年枹鼓  
 閒几案剗裁得休暇山水登躡遺紛煩我行送之思故園引  
 領有望心長懸

江西一首

蘇軾

江西山水真吾邦白沙翠竹石底江舟行十里磨九瀧篙聲  
 犖确相舂撞醉臥欲醒聞淙淙直欲一口吸老龐何人得雋  
 窺魚缸舉義絕叫尺鯉雙

自興國往筠宿石田驛南廿五里野人舍

谿上青山三百疊快馬輕衫來一抹倚山修竹有人家橫道  
 清泉知我渴芒屨竹杖自輕軟蒲薦松牀亦香滑夜深風露  
 滿中庭惟有孤螢自開爇

次韻王適大水

蘇轍

高安昔到歲方閏大水初去城如墟危譙墮地瓦破裂長橋  
 斷纜船逃遁漂浮隙穴亂羣蟻奔走沙礫摧嘉蔬里閭破散

兵火後飲食弊陋魚鰕餘投荒豈復有便地遇災祇復傷羸  
軀人言西有蛟蜃穴閏年每與風雷俱漫溝溢壑恣游蕩傾  
崖拔未曾須臾雞豚浪走不復保老稚裸泣空長吁滯留再  
與茲水會淪胥未晒斯民愚人生所遇偶然耳得失何用分  
錙銖

江州周寺丞詠夸亭

行過廬山不得上湓江城邊一惆悵羨君山下有夸亭千巖  
萬壑長相向山中李生好讀書出山作郡山前居手開平湖  
浸山脚未肯即與廬山疎道州一去應嫌遠千里思山夢中  
見青山長見恐君嫌要須罷郡歸來看

徐孺亭

徐君鬱鬱澗底松陳君落落堂上棟澗深松茂不遭伐堂毀  
棟折傷其躬二人出處勢不合譬如日月行西東朝為賓主  
兩相好一榻挂壁吹清風人生偶合何必同一朝利盡更相  
攻先號後笑不須怪外物未可疑心曾比干諫死微子去自  
古不辨汙與隆我來故國空歎息城東舊宅主茅蓬平湖十  
頃照清廟獨畫徐子遺陳公二人皆合配社稷胡不相對祠  
堂中

濂溪詩 并序

黃庭堅

春陵周茂叔人品甚高曾中灑落如光風霽月好讀書雅  
意林壑初不為人窘束世故權輿仕籍不卑小官職思其  
憂論法常欲與民決訟得情而不喜其為小吏在江湖郡  
縣蓋十五年所至輒可傳任司理參軍運使以權利變具  
獄茂叔爭之不能得投告身欲去使者斂手聽之趙公悅

江西通志 卷一百五十一  
道號稱好賢人有惡茂叔者趙公以使者臨之甚威茂叔處之超然其後乃悟曰周茂叔天下士也薦之于朝論之于士大夫終其身其為使者進退官吏得罪者自以不寬中歲乞身老于湓城有水發源于蓮花峯下潔清紺寒下合於湓江茂叔濯纓而樂之築屋于其上用其平生所安樂媿水而成名曰濂溪與之游者曰溪名未足以對茂叔之美雖然茂叔廉于取名而銳於求志薄于徼福而厚於得民菲于奉身而燕及乳嫠陋于希世而尚友千古矚茂叔之餘風猶足以律貪則此溪之水配茂叔以永久所得多矣茂叔諱惇實避厚陵舊諱奉朝請改名惇頤二子壽燾皆好學承家求余作濂溪詩思詠潛德茂叔雖仕宦三十年而平生之志終在邱壑故余詩詞不及世故猶髣髴其音塵

溪毛秀兮水清可飯羹兮濯纓不漁民利兮又何有于名絃  
琴兮觴酒寫溪聲兮延五老以為壽蟬蛻塵埃兮玉雪自清  
聽潺潺兮鑿澄明激貪兮敦薄非青蘋白鷗兮誰與同樂  
津有舟兮蕩有蓮勝日兮與客就閒人聞挈音兮不知何處  
散髮醉高荷為蓋兮倚芙蓉以當伎霜清水寒兮舟著平沙  
八方同宇兮雲月為家懷連城兮珮明月魚鳥親人兮野老  
同社而爭席白雲蒙頭兮與南山為伍非夫人攘臂兮誰余  
敢侮

慈雲寺

城南寶坊金碧重道人修惠翦蒿蓬一餅一鉢二十載瓊榭  
碧瓦上秋空稻田摩袖擁黃髮更築高閣諸天中三后在天

遺聖墨百神受職扶琳宮文思帝澤餘滋潤雨露下國當年  
豐貢川章川結襟帶梅嶺桂嶺來朝宗參旗斗柄掠欄楯清  
坐耳聞河漢風道人飽參口挂壁頗喜賦詩如已公家風秀  
句刻琬琰邀我落筆何能工安得雄文壓勝境九原喚起杜  
陵翁

尋真觀

孔武仲

武皇車馬東南出訪道求仙希萬一屏風九疊雲物清意恐  
神仙藏此室羽章之館締構新壇場夜夜祈星辰蓬萊縹緲  
不可到橋山一開逾千春詠真之天在旁側白晝潭心飛霹  
靂田收歲美龍亦閒惟有濟淪照空碧誰道尋真是女郎朝  
滄松桂夜焚香明眸綠鬢今何在意已霞衣侍玉皇

龜石

平川洶洶經南國匹練橫拖半天碧洪濶巨浪之中央忽見  
頽菟太古石此石由來幾許時混元一氣初開闢神功割破  
混沌胎劃落半空隨霹靂非鼃非鼈不可辨有若神龜見蹤  
跡精光不待媧皇鍊渾朴寧從巨靈擘我知神物本天性推  
移運轉非人力當時大禹走天下驅至九江為納錫萬牛攢  
車載不動鐵軸崢嶸自堆積秦皇鞭山移四海怒視不能移  
咫尺至今獨立猶驚人地志山經不能測千靈萬狀誰復知  
一片堅頑粗可滌昂頭突出翠濤中跣足橫蟠九泉脈勁敲  
縱橫竇穴穿當心一搭莓苔黑淵潛不見曳尾狀日爍猶驚  
負圖色青鬚剝落向何處秋草綏綏晨露滴勁健曾支玉女  
牀瓏斑似點乖龍額漁翁未網先自駭靈著欲伏安可得鼃  
鼃縮首不敢迎蝦蟇巡行夜戰惕歲冬大寒百蟲伏園勁之

勢無欹側風磨霜鍊無日休髮鬢皴痕成兆坼負才不免劓  
腸累至珍惟藉天公惜灼以炎皇之火精釁以少昊之金液  
神鑽鬼卜不見形陰陽造化無遺策大哉龜者物之精歲久  
已化爲真形有時月黑無人夜繞岸光芒倏自生下駭深潭  
蛟蜃窟上應中天元武星萬象森森下相向來決吉凶真僞  
情姦狐妖鼠已破膽山魑野魅見亦驚波神吞氣不敢喘四  
面長漪鋪席平吾聞溪老記往歲半夜風雨來冥冥割然曳  
轉大潭左百里震驚如雷霆背憎摧折雖萬狀崔嵬孤高終  
自靈吁哉天地至奇物何爲流落於江城銅馬猶聞標漢殿  
神羊昔亦馴堯庭便當推置玉堂上古貌岌岌無敵傾姦臣  
猾豎作狐媚見之頽面先吞聲凶荒水旱必可卜倉卒變怪  
皆先明匈奴喪魄萬里外惶縮不敢窺天兵龜乎龜乎用不  
用壯士與爾同死生

馬當夾阻風

孔平仲

蒿田菝野無人煙我來日暮雙繫船半夜星斗垂闌干銀河  
倒景搖青川人言神物當會合鐵纜纏繞安如山五更洶洶  
有聲至車騎蹴踏乾坤翻怒雷殷殷雨隨下黑風三日不見  
天此中道路多險惡正在馬當小孤之兩間三江五湖所鍾  
聚直下無底旁無邊掀騰擺觸作意氣更無拘束隨所便巨  
磯突若虎頭出黃沙莽作車輪旋端居不動尚股栗誰敢身  
試蛟龍淵自吾汎汎在泗間關淫滯今半年廬山蒼翠已  
在目毋用急進干憂患不如宿留會澄霽淹遲有數非偶然  
筍中酒熟聊一醉春夢酣酣牽晝眠

題贛州嘉濟廟祈雨感應

江東禱雨真靈跡香火未收檐溜滴城中到此夜五更渡口  
歸時水三尺高田流滿入低田萬耦齊耕破曉煙但願吾民  
得飽飯年年歲歲是豐年

琵琶亭

陳山造

抱愁莫遣朱絃鳴此聲更與愁人聽江邊一聞琵琶語月慘  
風悽如動情何況思婦傷幽獨少年多藝顏如玉江州司馬  
廊廟人暮上諫書朝放逐輕攏細撚忍淚彈開尊側耳思惘  
然一詩說盡兩心事遺音翻入歌舞筵此翁詩名自千古誦  
詩亦嘆琵琶女誰惜亭前泊舟客頗為飄零動悽楚鄰家故  
妓春風手此曲每侑澆愁酒今宵月影祇三人倚闌長嘯空  
搔首

南城鄧氏亭

洪炎

小麥青青山一曲江南千里傷春目盱母江頭喚渡人遙指  
麻源第三谷裹鹽包飯各匆匆回首煙霞樓觀中詩成更覓  
羊何和猶是前身內史公

金精山留題

張商英

秦亡項滅漢罷兵分王宗室皆連城西方女子不用事張氏  
有婦懷金精吳山之下吳水曲石鼓峰巒翠相矗山幽水邃  
閨閣嚴二八芳年貌如玉吳王聞知心欲狂珠璣繒纈羅千  
箱苦憑青翼致消息陳說富貴誇膏粱玉人冷笑吾當許第  
能爲吾開洞府洞成賦詩悲下土悲哉下土人皆苦飄飄仙  
袂凌上蒼天街昂畢騰輝光使回千里澀進步目極五雲空  
斷腸吳王悒悒忽不樂入顧後宮情索寞仙凡會合竟何年  
多謝君王鑿洞天

望仙曲

麻姑王蔡迹已往望仙亭在孤峯上朝見五雲飛暮見五雲歸雲飛雲歸自今古仙來仙去誰可知勿望仙望仙目眩徒茫然白石可煮誰能言不愛插翼冲青天玉池且酌太和酒一醉壽同天地久陶陶與物任浮沈肯顧霞衣雲組綬

石廊洞

劉弇

君不見仙家三十六洞天西南大半盤蒼巖此外元陽擅蘄絕况有石廊人喜傳碧蓮參差隅地湧徙倚危梯飛蝶竦陰陰洞戶半空開一縷聯凹愁寄種萬鈞崔嵬挂礪石吁可怪兮若飛動天然湫面尋丈間寒掬初慳媪神捧紫崖蒙茸瑤草秀懸泉涓涓挹天酒淑靈豈即乾坤私窟宅宛是神仙舊飛鳥點影陽光回遊子履深驚殷雷九夏三冬自回斡雨暘寒燠爭喧逐神物奄有似無迹突兀古廟當巖隈鼙鼙笑助怪變落日愁絕松風哀瞰臨一方殆天意累露之疑此其是仙乎仙乎胡不歸忍使秋燐泣陰鬼

了頭巖

弋陽之東當古道有石突兀號了頭苔侵蘚剝風雨蝕骨幹聳削如鏡鏤不知何窻上訴帝叫閻之勢難稽留草木焦禿僅比髮獨瞰平臯疑秀發淺深丹頰輝晴霞髣髴瓊梳掠初月行人躊躇眸子眩癡女乖羊亦何別惜哉偽態苦冒真土俗傳誇疑有神陰崖黝黑崩脅腹石眼六七流嵌根君不見望夫蘄蘄亦頑石似不徒然肖真魄顛顛預廟食爾何補登進雞豚始乘隙安得擲置八荒外化作膏腴豐稼穡

車盤嶺

去年踏雪車盤去今年執熱車盤來去來險澀自其分車盤  
 於我何有哉道旁飛礫如積糝幽蔓緣崖不盈攬懸知到此  
 客脛酸愁絕雲舒與煙慘半山棲隱擎華藏旋覺陰機萬鈞  
 壯鐘梵時聞一兩聲妙界還疑落天上短褐頭陀揖我言此  
 途詰曲知何年名情利態過萬計未聞厭者仍紛然造物驅  
 人不留瞬車盤有盡人無盡勸君莫歌行路難令人未老華  
 雙鬢

舟次生米值風作

東北有雲如潑墨舟子熟視無人色忽然白氣變飛翻拗怒  
 波神起乘隙初從下遊架玉壘須臾一望熬酥白琳宮蒼茫  
 失向背野鳥高飛避羽翼紛紛翻舞殊未酣萬馬躍入朝周  
 客陽侯睢盱推選鋒勢欲盡取奔鯨磔崩騰豈啻陵谷改刷

滌似病津涯窄大舟踉蹌愁失踞小舟呼天手加額間於盤  
 渦拆腥沫疑課鮫魚助奔擲灑川病客簸欲僵賴是絙縻逃  
 不測等閒覩縷戒衣襦倉卒何功補淪溺晚來風息回安瀾  
 猶自漫空認飛礫咄嗟鴻毛寄微命一朝濱死真兒劇明知  
 屏翳不吾欺何堪失便垂涎得

戲為短歌

韓駒

此君少日青而癯邇來黑肥如瓠壺縮肩短帽壓兩耳無乃  
 戲學騶侏儒人言腹大中何有不獨容君更容酒未須常要  
 託後車滑稽且作先生友少陵飽樽安在哉次山石臼空飛  
 埃茅檐對客夜驚笑麴生扣門何自來老向人閒不稱意但  
 覺淵明酒多味乞取田家老瓦盆伴我年年竹根醉



羊腸灘

小灘嘈嘈大灘惡朝行羊腸暮鹿角盡日拖舟不得前忽然  
筵斷千尋落上梁左側石子多兩舷與石鳴相摩臥聽舟師  
倚篙哭將如二十四灘何

彭蠡

李綱

神禹治水江為最邈迤委蛇鍾作滙泓澄不獨陽鳥居浩蕩  
端使羣川會羣川已會江不湍朝宗到海東南安煙收雲斂  
望不盡眼界始知天宇寬世傳揚瀾并左蠡無風白浪如山  
起我今謫宦此中行何事恬然風浪止陽侯也是可憐人不  
學世人皆世情好風已借一帆便霽色更增雙眼明晚來畫  
舸鳴六檣超忽千山如脫兔波心突兀見星宮雲際崢嶸望  
廬阜世間此景良不多洞庭三峽真么麼共浮大白期一醉  
對此不飲當如何

東塔山

在金谿

孫覲

山氣鴻濛衣自濕獨行曳杖穿雲入老翠陰森萬竹蟠浮蒼  
激灑千峯立邂逅幽尋到蕭寺拊掌一笑掀百蟄酒醒佛火  
照黃昏坐聽北窗風雨集

曹山

在宜黃

石棧梯空一線橫路窮臺殿兩崢嶸日光淡淡鳥飛沒雲氣  
漠漠龍隨行道入西歸餘隻履結茅宴坐千巖底草根瀝瀝  
暗泉鳴樹外騰騰青嶂起翠竺冉冉蒼雲屯老藤蔽日白晝  
昏天低尺五雷雨上身強丈二佛祖尊垂老棲棲厭行旅逢  
人欲問生前語不見高僧杖錫飛山下空流千斛乳  
分宜道中

老牯挽犁泥沒膝刻刻青秧鉞水出大麥登場小麥黃桑柘  
葉大蠶滿筐猿鳥相呼聚儔侶繅絲百箔聞好語此時物色  
不可孤勸君沽酒提壺盧

栗里淵明祠

謝道暉

淵明歸去潯陽曲黎杖蒲鞵巾一幅陰陰老樹嘖黃鸝豔豔  
東籬燦霜菊世紛無盡過眼空生事不豐無意足廟堂之姿  
老蓬華環堵蕭條僅容膝大兒頑鈍懶詩書小兒嬌癡愛梨  
栗老妻日暮荷鋤歸欣然一笑共蝸室我詩未遣愁肝腎醉  
裏呼童供紙筆時時得句輒寫之五言平淡用一律田家酒  
熟夜打門頭上自有漉酒巾老農時問桑麻長提壺挈榼來  
相親一尊徑醉北窗臥蕭然自謂羲皇人此公聞道窮亦樂  
容貌不枯似丹渥儒林紛紛隨溷濁山林高義久寂寞假令  
九原今可作舉公籃輿也不惡

鳴玉泉 在金谿

山露秋陽何赫赫山亭淒冷多秋色豈惟醉耳玉琮琤照眼  
寒光如練白舊聞瀑布垂雲間恍疑銀河墮天關西望香爐  
不得住箇中原有小廬山

重遊寥陽洞有感

歐陽澈

尋真曾到寥陽殿小立廊腰花影轉飛瓊仙子下瑤臺綽約  
雲鬢眼波翦水沈煙斷一簾秋醉睡海棠紅玉軟武陵歸去  
探年華揚州一夢煙波遠重來風物恰依然愛日融融煙素  
卷洞門寂歷鎖長春異木槎枒插天半霞衣冉冉媚東風綠  
鎖窗前重識面酒酣春筍理琵琶曲終依約含幽怨人間名  
利幾時休馬蹄不駐空留戀桃花流水古猶今回首碧雲人

不見

遊岐原有感

秋光淡薄磨青銅舞風霜葉魚腮紅雞窗岑寂興不淺結客  
楷筇叩梵宮聯翩步躡孤煙際隴上淒涼一笛風穿雲裂石  
聲滿谷驚飛雁陣橫晴空高僧擁袖臥雲久諸方勘破心玲  
瓏我來多戶據禪榻堂堂標格對總公旋烹冰液破我悶澆  
腸七椀追盧仝水沈煙斷香透頂津津喜氣生眉峰傳岳真  
隱已先去誰與壯浪吟爭雄朱絃縱事奏流水俚耳知音亦  
罕逢不禁風物撩詩眼強作險語慙非工安得湯休占此景  
碧雲之句當奇峰會沽村酒行蓮社忘歸一任夕陽春

南康值雨

楊時

廬山臥龍庵有劉道人自云百餘歲碧眼不粒食惟食柏  
飲水每客至必先知之欲往見之不果故并記之

平沙漲雪清江瀆水花照日紅生鱗軒然五老出城表雕玉  
萬仞窺長身雲巾星弁覆華頂飛泉漱瀑垂天紳平生未識  
廬山面碧巘橫雲望中見江頭一夜雨銜天奔浪號風作悲  
健朝來淤泥沒牛馬咫尺坐論千里遠芒屨拄杖挂塵屋神  
馬靡輪歛飛轉臥龍庵前碧眼翁日飲山淥餐溪松神融氣  
合八荒外此心炯炯宜先通未須勒移却俗駕會應一洗塵  
寰空寄言歸侍壺邱子他日來游當御風  
不效七月三日至鄱陽  
我來鄱君山水州山水入眼常遲留絕境遙通雲錦洞清音  
下瞰琵琶洲干越亭前晚風起湖入鄱陽三百里曉來一雨  
洗新秋身在江東畫圖裏

贈申孝子世寧

辛棄疾

六月烈日日正中時有叛將號羣兇平入血染大溪浪比屋  
燄照鷺湖峰白刃紛紛蔽行路六合茫茫何處去妻見夫亡  
不敢啼母棄兒奔那忍顧藥市申翁鬚有霜臥病經時不下  
牀平生未省見兵革出門正爾逢豺狼豺狼滿市如流水追  
索金繒心未已可憐累世積陰功今日將爲兵死鬼世寧孝  
行何高高慨慷性命輕鴻毛爾時自欲赴黃壤欣然延頸迎  
霜刀至孝感分天地動白日無光百川湧三刀不死古今稀  
一命自有神靈擁羣賢激賞爭作歌要使汝名長不磨何時  
上書達天聽詔加旌賞高嗟峨

和彭蠡月夜泛舟落星湖

朱子

長占煙波弄明月此心久矣從誰說只今一舸漾中流上下  
飲水每客至必先知之欲往見之不果故并記之

平沙漲雪清江瀆水花照日紅生鱗軒然五老出城表睢玉  
萬仞窺長身雲巾星弁覆華頂飛泉激瀑垂天紳平生未識  
廬山面碧巘橫雲望中見江頭一夜雨銜天奔浪號風作悲  
健朝來淤泥沒牛馬咫尺坐論千里遠芒屨拄杖挂塵屋神  
馬靡輪歛飛轉臥龍庵前碧眼翁日飲山淥餐溪松神融氣  
合八荒外此心炯炯宜先通未須勒移却俗駕會應一洗塵  
寰空寄言歸侍壺邱子他日來游當御風

七月三日至鄱陽

王十朋

我來鄱君山水州山水入眼常遲留絕境遙通雲錦洞清音  
下瞰琵琶洲干越亭前晚風起湖入鄱陽三百里曉來一雨  
洗新秋身在江東畫圖裏

贈申孝子世寧

辛棄疾

六月烈日日正中時有叛將號羣兇平人血染天溪浪比屋  
燄照鷺湖峰白刃紛紛蔽行路六合茫茫何處去妻見夫亡  
不敢啼母棄兒奔那忍顧藥市申翁鬢有霜臥病經時不下  
牀平生未省見兵革出門正爾逢豺狼豺狼滿市如流水追  
索金縉心未已可憐累世積陰功今日將爲兵死鬼世寧孝  
行何高高慨慷性命輕鴻毛爾時自欲赴黃壤欣然延頸迎  
霜刀至孝感分天地動白日無光百川湧三刀不死古今稀  
一命自有神靈擁羣賢激賞爭作歌要使汝名長不磨何時  
上書達天聽詔加旌賞高嗟峨

和彭蠡月夜泛舟落星湖

和彭蠡月夜泛舟落星湖

長占煙波弄明月此心久矣從誰說只今一舸漾中流上下

看投壺終歲不聞搗戰鼓主人坐笑已風流小婦鳴箏樓上  
頭曲罷仍能雅歌舞送君此舞傳中州

過蕭瀧廟

瀧江欲度虹爲橋瀧濤春擊蛟魚跳瀧頭有廟非一朝瀧民  
猶傳神姓蕭殿脚插入白鷺腰青原舞翠挹峇堯朱萼日出  
煙霧消碧瓦不動磨青瑤忽然飛電掣紫霄天爲借怒生奇  
颺游龍揮雨洗次寥桂花隨落香雲飄百年古木空中號鼉  
能擊鼓鸞吹簫官艘賈舶膽欲焦廟前泊櫓不敢搖楚詞跪  
奠設漿椒瀧之靈兮或可招

送吳叔舉主簿往清江受納秋苗

田頭作穀催入場一半白者輸官倉廬江主簿喜懷檄放船  
椎鼓開帆檣蕭灘老農公事畢夾道歡呼羅酒漿笑言歸去

喚妻子今年租米兩平量

過西山

楊萬里

一年兩踏西山路西山笑人應解語曾中百斛水墨塵雨捲珠簾無半句殷勤買酒謝西山慙愧山光開我顏鬢絲渾為催科白塵埃滿曾獨遑惜

寄題廬山楞伽寺三賢堂呈南康太守曾致客

山房牙籤三萬軸六丁下取歸羣玉空餘坡老枯木枝雪骨霜筋插雲屋楞伽老僧懷兩賢作堂要與祠千年只供清風薦明月不用秋菊兼寒泉江西社裏曾常伯李家玉潤蘇家客併遣巫陽招取來分坐廬山泉上石

遊仰山謁小釋迦塔訪孚惠二王遺蹟贈長老混融

范成大

渚田谿淵清洄洄梅州問路家雲堆連空磴道虬尾滑竹輿直上無梯階官吏來迎夾道立相逢無言心眼開翠微中斷雪礮吼兩耳不辨供喧逐林間靜極成斷相政要萬壑號風雷山如蓮盆繞金地龍宮避席餘蒼崖祖師抱膝坐古塔大禪海浪翻天來騰空狡獪我未暇拄杖踏濕衝莓苔問龍亦借一席地解色聽雨眠西齋當年公案忌錯舉神通佛法同坑埋混融菴中的的意笑我舌本空崔嵬茲事且置飽喫飯稊田米賤如黃埃

寄題贛江亭

一水之會新作亭主人文章子墨卿我記新亭且不朽千載當與文俱鳴題榜誰歟漢使者風流好事飾儒雅平生兩君吾故人安得繫馬亭階下鼓旗西征上奔瀧所思不見心難

降瞿塘縱有文鱗雙愛莫致之章貢江

清江道中橘園甚夥

芳林不斷清江曲倒影入江江水綠未論萬戶比封君瓦屋  
人家衣食足暑風汎花蘭芷香秋日籬落明青黃我舟來遲  
佳景盡但見碧樹愁春霜

發豐城縣

陸游

豐城古縣已再遷出郭十步江渺然冷雲四合欲下雪柔櫓  
數聲初放船孤村燈火照破驛客子何以娛今夕不辭金盃  
醉十分要開玉花深一尺

上巳臨川道中

二月六夜春水生陸子初有臨川行溪深橋斷不得渡城近  
臥聞吹角聲三月三日天氣新臨川道中愁殺人纖纖女手

桑葉綠漠漠客舍桐花春平生怕路如怕虎幽居不省遊城  
府霍軀苦瘦坐長飢龜息無聲惟默數如今自憐還自笑斂  
版低心事年少儒冠未恨終自誤刀筆最驚非素料五更欵  
枕一凄然夢裏扁舟水接天紅蕖綠芰梅山下白塔朱樓禹  
廟邊

擬峴臺觀雪

垂虹亭上三更月擬峴臺前清曉雪我行萬里跨秦吳此地  
固應名二絕山川滅沒雲作海亂墜天花自成態狂歌痛飲  
豪不除更憶銜枚馳紫塞蘆摧葦折號飢鴻欲傅粉墨無良  
工摩挲東絹三嘆息收拾放翁詩卷中明朝青天行日轂萬  
瓦生煙失瓊玉世間成壞本相尋却看晴山暈眉綠  
弋陽縣江上書觸目

縣前奇哉一江水日暮風吹碧鱗起客恨征帆忽如洗不用  
金篦刮眸子丹楓岸邊雪色蘆下有老翁方捕魚欲求妙手  
貌畫圖王維鄭虔今世無

蜂兒榷歌

葉適

平林常榷啖俚蠻玉山之產升金盤其中一樹斷崖立石乳  
蔭根多歲寒形嫌蜂兒尚粗率味嫌蜂兒少標律昔日取急  
欲高比今我細論翻下匹此間異物難並兼百年不許羸栽  
添餘甘何為滿地澀荔子正復漫天甜浮雲變化嗟俯仰靈  
芝醴泉成獨往後來空向玉山求坐對蜂兒還想像

孔鍊士話龍虎山之勝於其行因以送之

羣嶂倚天傍四環中峰受拱低伏蹲雲錦交陳紫團外却注  
彭蠡如傾奔道陵已去丹竈冷今代符行妖鬼靜孔師何事  
亦逃儒為愛冰林雪蒙頂我居無山冬不雪只受虛空滿輪  
月子能作意肯重來更待牆東笋堪掘

觀三疊泉

劉過

五老峰北嗟峨巔龍泉三疊來自天只應開闢便有此山雲  
蔽護經歲年一朝何事失局鑰樵者得之人共傳欲往從之  
人憚遠嶮溪絕壑窮攀緣初疑霜崩湧天谷翻若雲奔下巖  
宿散為飛風颺輕煙垂似銀絲貫珠玉隨風變態難盡名觀  
者洞駭心與目清寒侵袂心益爽清甘熨齒手屢掬我欲攬  
之作玉虹似開九丈錦屏風有若插碧金芙蓉笑騎揮斥凌  
太空窮源直到天河東

厭原山中曉行

裘萬頃

碧雞夜半聲啁哳喚起幽人步林樾秋高風露著羣木無數



寒花泣明月松篁一徑宛如畫石溜涓涓更清絕山巔便好  
結茅廬莫待他年鬢成雪

仰山行

趙汝錡

平生幾兩謝公屐愛山愛水真成癖集雲峰在指顧間年來  
抗塵乃絕迹西風慙惠作意登佛境未入心境清九秋顥氣  
接嵐氣五里松聲答泉聲招提金碧壓深窈鐘鼓四時遞昏  
曉梵音獨許山鳥聽禪夢不驚蝴蝶遶土腴露飽蔬筍鮮一  
粥一飯天上仙伊蒲供罷日卓午浮空半是烹茶煙四藤欲  
知蜀中味萬字欲參堂上意請將此事且放置坐看山雨濯  
曉翠

東湖歌 袁州

湖光蕩綠春拍塞百雉之東纔咫尺五步一亭十步榭軒窗  
處處臨水闢露濃晝淑花溜紅煙嫩堤平草連碧俯窺萍罅  
魚上下仰聽木杪禽格磔拂拭塵埃讀祖碑摩挲峰竅憐虛  
石中年懷抱多感慨東西跳丸駒過隙山林鐘鼎同一盡可  
笑世網甘形役甕邊吏部真得計右酒左蟹船中拍明朝風  
雨那可料且對湖山醉今夕沙鷗許我再尋盟從此時攜杖  
頭百

題曾氏連理木

文天祥

后皇嘉樹生橘侘四衢五衢合一軌德澤純洽八方一乘木  
而王固如此大明香琴橘貞觀玉華李一時圖畫傳奇觀榮  
華過眼轉丸易惟有武城宅前樹不知何年已連理從來縣  
官不以聞武城子孫世專美人言協氣薰嘉生此家孝友陶  
協氣朱門多少鎖喬木百年瞬息滋一喟焉得鼎鼎為輪囷

受命不遷相曾氏傳聞此木更八世方遇麻陽大夫記麻陽  
誠齋又幾年却入青螺地輿志比來微當路表名連瑞里有  
日捧圖上嘉禾靈草共青史物生隱顯殆有時展如之人亦  
應爾梗楠杞梓離奇生繼此廬陵城北不止稱三瑞  
題元潭觀雪浪閣用誠齋韻  
棄官學道句山許學到至人本無怒赤子鱗鱗如魚頭不堪  
妖孽腥上流鉗鍵長潭鐵樹立摩挲穹石寶劍濕當時豈忍  
如是觀毒流不可開眼看英風凜凜萬古寒

發吉州

已卯六月初一日蒼然亭下楚囚立山湖顛倒紛雨泣乙亥  
七夕此何夕煌煌斗牛劍光濕弋鋌彗雪雷電擊二百餘年  
火爲德須臾風雨天地黑皇綱解紐地維圯妾婦偷生自爲  
賊英雄扼腕怒鬚赤貫日血忠死窮北首陽風流落南國正  
氣未亡人未息青原萬丈光赫赫大江東去日夜白

書林十景之三

謝枋得

雄峰馳驟萬馬奔浮空積翠如崑崙崙中有一蛙清且癯天成  
不假鑽鋤痕神物深潛清徹底霹靂雷光生石齒桃花飛雨  
三月紅洶湧湖光漲春水

龍湖  
春水

路盤屈曲虵行驚嶺危萃律龜紋真俯窺毛悚超宇宙仰捫  
手得探星辰斜陽墮塊硃砂魄暮霞幾縷胭脂色來朝海氣  
汎扶桑擁出金輪光赫赫

龜嶺  
暮霞

朔風吹折寒梅枝嚴凝凍合彤雲癡華峰屹立亘今古堆累  
積聚皆昏迷楊花飛舞盈三尺蜨翅交加呈六出朝陽發燄  
照乾坤萬壑千崖消粉飾

華峯  
霽雪

題龜峯

三十二峯峯最高脚踏高處真人豪近觀靈山一培塿俛視  
彭蠡無波濤眼明始見滄海闊心閒却憐塵世勞後百千年  
誰獨立萬古一覽皆秋毫

清江曲

姚勉

夾岸桃花燕子飛一江春雨鱖魚肥絲綸百尺煙波闊深夜  
鳴榔載月歸扁舟一葉橫沙嘴得魚爛醉春風裏綠楊深處  
酒醒時江湖半落天如水萬頃滄江五月涼一川錦繡藕花  
香綠葦青笠鳴疎雨老樹殘煙帶夕陽野船煙火夜明滅一  
笛風清楚江闊無魚無酒且歸來蓬裏蕭疎臥明月江南江  
北老天涯蕭蕭兩岸梧桐葉漠漠平川蘆荻花萬里西風雙  
鬢筆柔櫓聲中山水綠一萍買斷黃金屋沙邊鷗鳥莫相猜  
是非不到清江曲荷葦折枯人未歸寒波霜落雁初飛人間  
節物時時換又折梅花下釣磯青山四面清歌發幾點沙鷗  
起天末一任長年醉則休醒時獨釣寒江雪

遊曲江分韻得月字

曲江磯頭山翠律此景江南誇第一漁舟晚弄煙波間市樓  
春映晴嵐出擁輿寒吟入畫圖席地草飲成真率且叩山房  
僧榻眠再上山林待明月

伏龍山民宋正甫湖山清隱迺唐詩人陳陶故圃曾景  
建作記俾僕賦詩

戴復古

故人昔住金華峰面帶雙溪秋水容故人今住伏龍山陳陶  
故圃茅三間千載清風徐孺子門前共此一湖水百花洲上  
萬垂楊白鷗羣裏歌滄浪故人心事孺子高故人詩句今陳

陶短衣飯牛不逢堯何如繡鞍上著錦宮袍瓦盆對客酌松  
醪何如紫霞觴泛碧葡萄豆萁然火度寒宵何如玉堂夜照  
金蓮膏吟成秃筆寫芭蕉何如沈香亭北醉揮毫再三問君  
君不對目送飛鴻楚天外細讀山中招隱篇超然意與煙霞  
會照影湖邊雙鬢皓此計知之悔不早三椽可辦願卜鄰荷  
鍤相隨種瑶草

和何應辰過山谷墓

王炎

何年馬鬣埋玉樹上有喬木清風寒琳琅金薤落四海萬家  
頓挫隨毫端追攀前輩豈無意偶來弛擔鳴珂里生恨與公  
相後先臨風三嘆不能已論詩誰解鍼膏肓人間今日無黃  
香經過一酌尊中碧明月灣頭山闌寂

題清江常宰道院詩

古人牧民如赤子今人臨民用笞箠孰知官府本無事獨恨  
庸人擾之爾臨邛有客腰銅章三年爲吏先慈祥老農共說  
長官好桑柘陰成民小康公庭閒暇雁鶩散燕坐胡牀清書  
長撥煩何自文書省治道由來貴清淨底須柱下五千言洙  
泗六經無猛政

石潭急峽

魯

兩山夾石湍風急勢吼春雷鬼神泣行人登舟不敢渡疑有  
毒龍深處蟄嶮巖彷彿若雲川又如三峽傾潺湲水竅恐是  
神禹鑿石骨未遇秦皇鞭飛流濺沫弄寒玉赴壑奔灘勢何  
速直須流入鏡湖心如遇平夸舟免覆垂楊覆陰沙岸高將  
軍喚渡多英豪中流擊楫思祖逖當清宇宙無辭勞

重湖夜月

江西通志 卷一百五十一  
昔聞放翁歌鏡湖船尾有酒船頭書又聞鑑湖賜賀老剡川  
一曲春風好番陽之東有重湖風光與此真不殊澄波湛湛  
秋瑩潔碧月一片沈冰壺彩舟蕩樣搖畫槳上下天光映虛  
幌踏歌槌鼓樂者誰武陵樵客來湖上賦詩橫槩何英雄氣  
槩或跨前兩翁我思此景勞夢寐東望咄咄徒書空

稠山茅屋

亂山堆翠如削玉中有幽人結茅屋柴扉寂寂掩蒼苔書院  
蕭蕭倚修竹閒雲滿塹白日長呬唔朝暮聲琅琅芸窗紙破  
漏月影石硯水滿涵天光風塵頻動遍邱壑此處怡然有真  
樂門靜應無俗客過茅深不怕秋風惡高人有才濟當時會  
見徵賢日三顧愧我飄蓬石洞人茅屋青山在何處

題東林香山像

周紫芝

大唐受曆三百年文士輩出俱可傳情雖嫵媚中骨鯁當時  
只有香山賢香山年少謫滄浦臥聽琵琶心獨苦想得回舟  
半夜時半濕青衫淚如雨別來江月幾番圓黃蘆苦竹空淒  
然風流埽地那復有但見東風吹白鬢可憐畫手無前輩欲  
倩虎頭呼不起瓊枝玉樹了無蹤鐵撥鶻絃何用爾明朝一  
舸下潯陽月明依舊空江水

筠陽竹根枕

高安老竹三尺圍斷爲釜甑中可炊蘄州開笛不足數嶰谷  
截筒空自奇何如貓頭未成竹化爲霜根白如玉崢嶸勁節  
不得施歷錄黑斑空滿目白頭老吏飽官倉雲夢南州睡初  
足筠陽別乘一幅書寄我中劔兩枵腹飄飄逸韻青衣郎夢  
中相見筠山陽一笑摩挲撫君背定交從此毋相忘我欲問

舍無何鄉爲我往使華胥王人生草草兩鬢霜安知日月壺  
中長

靈谷山

吳南壽

嘗聞天台八萬四千丈髣髴根蟠東海上赤城丹霞二石梁  
幾欲從之路難往吾州喜有靈谷山懸崖秀出羣峰間興來  
騰身覽絕頂十步九折勞躋攀追尋凌雲撫遺跡門對長江  
秋水碧洪波浩蕩繞山流鷺睨鷗窺雲樹黑焚香再拜禮浮  
邱烈烈北風吹殿頭夜深何處候笙鶴披衣託宿南巖幽

大孤山

趙崇鈿

大孤溶溶決眼青小孤江色春冥冥隔江淮孺幾千里枯荻  
蕭慘朔風起佳人何在遙相望我無羽翼從君翔爲君暗整  
真珠裳綠蘅翠芷參差香

洪陽洞

宋之瑞

天台自是神仙窟常恨平生游未足竭來訪古得洪陽不憚  
攀躋冒炎酷當年事往雖渺茫至今峭壁摩空蒼豁從洞口  
見穿穴始信靈蹟由天藏細泉滴乳散瓔珞亂石排衙互擎  
攫上施牀几看燒丹旁布膝畦閒種藥虛舟聊具仍馭風靈  
源暗與江流通欲攜束緼恣幽討却疑深處藏蛟龍惜哉此  
境真奇絕地偏往往成湮沒僅存野廟傍山阿儻非好事誰  
留轍吾衰重到定無期肯辭蠶足陵丹梯共言荆榛無路入  
徒羨翠羽穿林飛安知咫尺蓬萊隔邂逅仙人還不識謾書  
所歷記吾曹歸向天台詫泉石

金精歌

趙東林

東風飛靈雨一洗桃李塵快馬紫遊韉來賞金精春連林翠

氣吹不動時作佛髻螺頭青劔劔天壁面削起中可建旗坐  
萬人豁然呀呀佛然憑憑蹲蹲者爲虎豹几几者爲墉城千  
年老狄學春吟白日龍雷藏樹陰蓮花峰下久無路時有樵  
子攀藤尋丹光出屋水泔泔白鶴飛去棲桃林桃今幾熟枝  
尚青石田玉子無龍耕雲蒸甑腹爛青飯雪凍地骨迷黃精  
靈君久矣鞭玉麟今作天上何公卿崖前老竹屢生米夜有  
石犬當堦鳴我亦三生家石鼓花落花開不知數人間魚沫  
吹秦橋漫有姓名刻洞府試爲靈君覓杯水水中白晝青虬  
起便令紫霧生風霆一舉直上九萬里

題劔池驛樓詩

舊日寶氣亭  
今撤而爲樓

吳澄

雙龍飛去已千年斗間紫氣夜黯然却令往往來來客坐閱  
朝朝暮暮船天地與亭俱傳舍舊毀新成更代謝舊亭不見  
見新樓新樓誰作今州侯州侯温温廊廟姿三年莅政民不  
威政成遺惠及賓旅又與江山發新趣昔舊今新新復舊劉  
郎去後何人曾樓新樓舊謾勞心江光山色只如今著我憑  
闌觀水際游目兩間尋寶氣猗嗟世上無張雷有缺莫彈歸  
去來

湖口阻風登江磯山觀濤

狂風吹人渾欲倒瑟瑟寒聲動秋草捫蘿徑上磯頭山萬頃  
江湖波浩渺怒鱗雲鬣奔騰來眩目快心千樣好向曾觀海  
難爲觀回首匡廬青未了元雲作帽深蒙頭五老昂藏元不  
老何時月夜水鏡淨漭蕩澄虛納蒼昊著我峰尖伴老人坐  
看海東紅日杲

擬峴臺

何中

擬峴臺山如盃樹如苔臺前東風花亂開流雲藏雨花間來  
花根得雨新綠催花枝隨雨成香泥神工鞭策不停手七尺  
容形爭好醜桐林嶺頭木香酒百錢一盞當酤否

寄題踈山寺半間禪房

往時汭泝盱母川李花陰陰曾繫船丰茸沙草取幽徑扣關  
一禮白雲禪千柱空廊絕人跡蒼苔亂點蜚紅妍松香四襲  
翠滴雨紅影半侵明映烟鶴鶴流聲出巖谷輕霏忽散風鏘  
然長哦欲寫不能就每寄清夢時周旋秋風吹空客如仙名  
山有記特相傳迺知曇花解重現彈指一瞬五百年經閣名  
臺雪幾尺戲成小果留人天先師吾鄉白雲寺卓錫尚令題  
榜鮮半間之半可著我呼童急辦青行纏身前舊境餘一念

定許鄰舍香茅編

由寶塘舟行至臨汝

盧鴻十志看不足愛雪貪行雪相逐清風吹散北山寒三十  
六陂水初綠黃洲挈得罩篷船松筠繚繞烟成淵陂聲疊下  
灘聲惡鮑照却歌行路難

九日登鹿角山詩

有序

劉誥

余舊家吉水南嶺有山崢嶸如鹿兩角俗呼爲鹿角當在  
宋時山下有喬木數千章連抱參空陰雲蔽虧鷺鶴號集  
宛然深山太古意也國朝始通是鄉爲官達創馬驛所謂  
喬木斬伐殆盡莽爲壙土近年來或繚以長垣限以墻  
而所謂壙土又將爲果園蔬圃矣嗟夫是鄉特寬濶自  
之濱而爲谷爲陵者如是不一則通都大邑之改化又何



怪也余每歸故鄉至輒喜留滯不能去昔人所謂樂其所  
自生非歟至正癸未遂因度九節於此於時天氣連陰初  
可衣單袷八日意行飲楊君文川別墅又飲其兄吾可桂  
花樹下羅君宗伯宗仲邀過其家劇飲痛醉至暮乃歸衣  
冠駢集居人屬目余因朗誦曰九節追歡亦偶然羣賢攜  
酒路聯躡茅簷老嫗扶孫語重見衣冠八十年文川和倡  
云有約登臨興浩然風吹襟袂舉蹠蹠先生領袖衣冠盛  
更醉黃花四十年遂約一日登鹿角峰至期余乃攝衣徑  
造其頂同遊者二十六人列茵相向坐如環絲竹稍聞因  
用東坡大華峰頭作重九天風吹艷黃花酒浩歌馳下腰  
帶鞋醉舞崩崖一揮手分韻余得作字約明日詩集獨缺  
鞋崩二字亦以避所難所諱也明日詩集同遊徵余序遂

書

文江西渡埜寥廓有山削成蒼鹿角驛亭古道數百家人煙  
四起象虛郭我亦鹿角山中久客歸來似遼鶴輩行已稀  
少壯多白頭愈覺鄉土樂秋天九日雲漠漠振袂凌窺散腰  
脚大江東來忽空濶青山環走擁簾幕豁然百里指顧中南  
眺層城北仙閣白觴激灑照醪酒碧盤崔嵬出穀睢羌笛高  
吹破落日村鼓狂鳴動虛壑谷精遁走山鬼奔樂極但愁風  
雨作風雨作可止之請君勿輕動浩歌且更酌向來英雄今  
安在馬臺龍山俱寂寞不如藍田把萸翁流芳終以文字托  
鹿角山山頭石路何砢确應知後人慕羊公佳時踏破青芒  
屩

飲南山故居

旛竿東峙彭家寨鹿角南繞劉家村彭家旗槩落草莽劉家  
衣冠遺子孫百年風土又一變叢林光壑池成塹山亭楊柳  
驛馬坊官道豫章北商店喆人令族困屠沽疇夫互郎高門  
問故家兄弟日益少惟有老夫長眉鬚少壯幾荷忽衰懶歡  
樂無多飽憂患天寒木落砧乍急日暮門空客初散餘年定  
有幾還鄉倚杖秋風看飛雁

飲谷平李氏

栗黃黍短沙連浦白髮涉江尋故路伍家渡頭篁荻秋柳候  
廟前烟火暮昔時冠蓋風雨凋舊家喬木涼蕭蕭微吟西州  
淚自墮欲訪黃墟誰可招社墟左轉增閭室兩街坐賈如郭  
邑殺牛壓釀百貨交道逢少年不相揖尚餘八十病姻兄羅  
羞饌客空壘瓶夜深山月窺前庭童穉熟睡二老醒談舊未  
了荒雞鳴

飲印山田舍

少年曾客金竹峯壯歲移住城之中城中金竹幾來往贏得  
白髮成衰翁居人興亡秋葉換巧黠四方拙問閑天公顛倒  
作奇觀舉世區區事籌算我友秀川羅文學白頭胸著天祿  
閣我友龍湖李隱君秋風落筆吹行雲干將白虹發原草蚩  
尤夜墮元武老談王著經卿與軻感時屈宋能高歌古今坎  
壘稱數子數子之外應更多山中秋高月如斗醉呼老農同  
舉酒同舉酒滿瓦船便令餘生滿百年飲酒之日萬五千

西峯臥松

定光道場鳳墅東古樹蟠地疑聳龍參天元與風雨會老火  
偃蹇山之中千年琥珀結精氣半夜笙鶴朝仙宮太平明堂

方論建扶豎大用須良工

古城秋釀

大江蓼花紅滿堤堤上人家多竹籬雨廚爭炊白雪甌霜甕

滿瀉黃酥卮城中少年好遊冶渡江買醉攜蛾眉江東估客

貪祭賽第一先醉蕭郎祠

平園衰柳

周益公舊居

城中書樓天下奇碧玉流水長虹堤堤邊柔條一千尺鶯黃

裊裊春風垂居民異代起華屋此物已槁不忍移豈無他樹

好顏色不忘丞相手種時

鳳墅斜陽

曾通判廢圃

城西仙園不可當花闌柳榭春風香酒樓鬢鬢竹西市娼女

纏束杭州粉百年風流去如雨一笛落日寒荒荒乘除自當

返太樸君看燈火明書堂

萬戶酒歌

秦定乙丑真定吳侯來守廬陵議行萬戶酒申請乘定郡民預喜賦詩相賀

城中禁釀五十年目斷吹秫江東烟官封始運桑落甕官隸

方載稽山船務中稅增沽愈貴舉盞可盡官緡干先生嗜飲

終無錢指點青旗但流涎今年忽縱萬戶釀處處爭說邦侯

賢富家遠郭買秫田小家盆盎爭濯泉開城曉避麴車道築

室夜甃糟邱塼便將相如舊渴吻一吸擬盡長鯨川老翁童

穉喜欲顛秋醉月下春花前豐年五穀賤如土市上游人歌

復舞歌復舞邦侯堂有八袞母共飲蟠桃幾千度春風吹醉

九九州公但飲醇丞相府

織錦歌

南州織錦天下奇家家女兒上錦機蓬萊額黃染萬斛渭川

茜紅種千畦鳳刀冷淬并江水龍梭細琢炎洲犀春波雨深  
淨如練接紅濯黛隨時變高鬟半髮玉腕明心逐綸絲千萬  
轉晴漪翠浪舞白鯨細柳高花穿紫燕青樓臨道起鞦韆蝴  
蝶鴛鴦逐少年月中三郎坐聽曲海上漢武來求仙窮年玩  
歲容髮改研精極巧造化憐陌頭楊花春鳥語東家西家教  
歌舞燕姬金捍雍四絃百萬纏頭棄如土人生有意各有命  
豈無紅顏甘自苦君不見郭門十里桑柘村蠶婦朝朝踏風  
雨

吉安老人詩 并序

揭傒斯

吉安老人者劉士表叔正也百有一歲而聰明康強好善  
不倦其小同歲翰林曾巽初請賦述其辭作是詩

吉安老人一百一顏如春花眼如漆肥肉大酒飲且食兒兒  
帝孫繞膝行不扶杖夜讀細字風雨疾鄰里好事時相覓朝  
出門歸必及月出歸路行且歌歌復笑啞啞借問老人平生  
何所爲壽且富身康強子孫賢無匹云是家世爲儒又不能  
服食求長生世世惟好德天旣假我以年未省欣欣與戚戚  
居無行輩可同語後甲同生子孫已盈室且有高官職幸遇  
天子聖且仁天下無似我老得自佚一聞老人言豈但金與  
石千金之藥可廢老人之言不可失老人行年一百一一復  
一生生之數何由畢天長地久何由畢

蘘荷山

蘘荷山碧孱顏拔地維轟天關上有靈泉真人煉紫丹下有  
揭氏子孫藏其間神飈六月飛霜寒古人不可見真人飛入  
越王山越王山倚天立桃源蕩蕩車馬入海上青禽不必來

人間絕境紛成邑我家蘘荷陰移家恨不蘘荷深青松之葉  
陰我屋白石之薦絃吾琴蘘荷再生吾丹再成冥冥我祖去  
而上升靈泉援手引我太清足跨五色鸞手掉金芙蓉浩然  
拔宅凌天風九州四海如脫屣空留遺響此山中

玉笥山歌

大江之西洞庭東三山鼎峙爭長雄玉笥嵯峨與天通千迴  
萬轉重復重十人避秦入山中池養十魚爲九龍九人乘龍  
上虛空赤帝飛入爲九變四海照曜何烘隆三疏不救莽賊  
凶曹瞞欺天塞帝聰玉梁白晝隨靈露壽春真人抗靈蹤三  
壇佳氣長鬱葱璇題翠羽開神宮九霞照地光熊熊急澗鳴  
玉相撞春羣峰四合如朝宗承天萬年亮天工大秀幽詭郁  
木同重巖洞壑守鬼工白猿夜啼寶氣衝我欲求之白雲封  
金闕先生碧兩瞳弟子文詠敬以恭巢雲駕霧留飛蹤元洲  
長史白玉容八十二口來相從一入不復世莫逢忽而見之  
若發蒙朱宮玉堂繡簾櫳青童素女清而丰桃花杏花相映  
紅忽而不見空溟濛或聞玲玲磬與鐘或如金雞啼曉風何  
劉沈謝數十公遺聲逸響猶泚泚霓旌羽節何當降霞衣飄  
飄珮琅璫下與世人哀疎恫身爲風牧常先鴻上佐皇義播  
時雍還淳反樸服孝忠物不疵癘年穀豐氣酣飛上三會峰  
周覽四極摩蒼穹前有天柱如華嵩落日返照金芙蓉三峰  
東出號赤松雲臺太白相橫縱羣玉金扇遠更濃兩峰相倚  
如駢蛩紫微高歌紫霞沖石橋金柱爭龍從長江外抱如白  
虹束以驚峽轟奔洪千今萬古聲淙淙百神歆集元氣融超  
凌蓬萊軼崆峒仙來不來吾心忡山中有草名碧茸食之千

歲顏如童我欲求之不可窮願佩含景從仙翁紫袍白馬來  
兩駿奪取神君一尺銅坐閱絕景忘春冬

寄題九江義門陳氏壽安堂

匡廬之陰彭蠡涯七百餘載真良家

宋御書表其門曰真良家

冲和鬱勃

吹不散飛落南山萱草花往時冠蓋如流水撞鐘鼎食三萬  
指詔書十載復租庸每歲朝廷仍貸米父慈子孝則四方紀  
淨網明照閭里蓬萊水淺昆明空天開地闢元氣通張公百  
忍澤未竭王母千年桃始紅南山築臺三百步翠竹屯雲森  
玉樹忠厚必有神明扶淳樸自是期頤具方瞳綠髮紅氍毹  
春酒搖蕩香扶疎公僕子孫始必復日爲太夫人起居

題臨江同知問流民事蹟

江北流民七十口三十餘年在江表朋兇結惡四百餘白刃  
差差歷村保崩騰所向如投空白晝攫金都市中頃由南昌  
入豐邑反賂守者爲先容長官坐堂寇入室妻子莫逃况金  
帛豈無鄉民敢相敵長官一揮翻辟易臨江貳守廉且武手  
縛其渠散其伍豈惟鄉民得安堵鄉境聞之皆歌舞其渠在  
獄伍四歸大府上功民俗熙乃知一念敬厥職萬事至難皆  
可爲人民社稷我所有安得坐視如雞狗人有雞狗猶愛之  
民社豈在雞狗後請君看取臨江守

廬山連尊師求真陽詩久諾之而未作一夕夢中得之  
因書以贈

稽天之浸不可滅焦石之烈不可絕香爐峰頭按羽節滿山  
桃花滿湖月

廬陵元潭觀舊藏許旌陽斬蛟劍興國有一道士七過

廬陵竊之至於京師以獻吳真人邀予賦詩遣還本觀  
 章江渡頭白羽扇千載傳聞誰得見惟有元潭老劍精萬里  
 相尋若驚電冥冥旌陽九電駕神物無歸思變化當時同學  
 十二人猶有吳公在天下吳公曉出勢割山石愁氣挾草木  
 寒安得天風吹繫彼日月還麻姑綠雲髮黝黝長不殘

孝子堂

在青綏為孝子黃覺經建

趙孟頫

南城青綏孝子家至今門戶生光華百年往事已陳迹路傍  
 過者恒咨嗟國初歸馬山陽日骨日人間有相失黃氏之子  
 真可憐不見慈親眼流血誓將筋力窮寰區東從扶桑西月  
 窟寸心莫移利斷金滄溟不深此恨深皇天鑒汝精誠苦汝  
 水之旁見其母髫年失母今白頭歷涉艱難幾寒暑陶然竊  
 負歸故鄉山川草木增輝光金榜旌標自天降翰林紀傳垂  
 不忘羣公作歌粲奎壁牛腰卷軸今猶藏安得南陔周雅章  
 為君長歌歌慨慷

廬陵劉老人百一歌

袁 桷

昔聞寧皇嘉定時平淮如掌糧如抵襄陽高屯十萬卒武昌  
 金埒饒軍資西蜀環山堆錦繡滔滔南紀喉襟首峨眉積雪  
 不動塵玉壘浮雲古今守當年行都號全盛翠箔珠簾爭鬪  
 勝西湖不識烽臺愁北關已絕強鄰聘寶慶天子來自外邸  
 朝諸侯土疆日窄邊庭憂大帥偃蹇藩鎮伴小壘推剝租癩  
 稠春城絃管暗烟雨四十一年變滅同浮漚咸淳太阿已倒  
 持銅山之賊專宮帷樓危金谷山鬼泣舸走白浪江神悲老  
 人年周一甲子至元大帝車書合文軌每話承平如夢中萬  
 事東風過馬耳只今行歲一百一坐閱天地同昨日秭歸聲

苦紅葉翻邯鄲睡熟黃梁失門前手種青桐百尺長笑指截  
取諧宮商少君荒唐方朔誕不如老人親見深谷爲高岸我  
孫之孫爲元孫翔鸞峙鵠高下飛集駢清門憑公欲補先朝  
事濡毫更作長生記

題高彥敬桑落洲望廬山圖

長江亭亭桑落洲一塔獨傲蘋花秋邊聲已逐鼙鼓盡水氣  
欲挾漁柳浮謫仙騎鯨五柳老真景變滅隨沙鷗空餘秦箏  
與羌管斷續不洗琵琶愁玉堂小窗解蒼佩宴坐得意毫端  
收空青點雲碧痕溼方諸取月寒光流匡廬老人在何許似  
覺頷首相逢留住佳峯稜稜鐵鉤鎖寸樹點點銅浮漚要知翰  
墨灑清氣俗子政爾勞雕鏤秋泉山人息機事青眼不與王

高張素壁凜太古擬跨獨鶴還磯頭人生江湖在適意

底用絕俗埋林邱披圖覽古重歎息天際杳靄疑歸舟

番易周節士歌

黃潛

周君生長番君里長身俛俛鬚仍美師張先生業孔氏夏螢  
冬雪頻繼晷先生愛君不骫骳君謂先生我知己遭時戰伐  
多瘡痛賊衆乘之作姦軌郡檄先生俾一洗先生慷慨爲之  
起曰彼蚩蚩聚蜂蟻兇渠本我家奴爾我將笞之用折箠披  
其角毛脫距觜奴挾兵來速如鬼反噬其主先生死先生諸  
子俱幼稚周君聞之失箸七曰古復讐蓋有禮師長之讐視  
兄弟我今必也書於士走告郡府伏以俟府公義之弗敢止  
授以及斯與弧矢或云彼衆我無幾盍募援兵爲表裏君奮  
不顧行益駛賈勇直前無與比賊窮擲金計何詭得金失賊  
墮其餌亟取貪夫尸諸市士氣復振賊乃靡追奔逐北劇賊



壘迅雷不及掩其耳一柵旣覆衆柵毀生致賊奴泊妻子刳其心肺獻俎凡告於先生辭疊疊凱旋公庭旗旒旖散遣部伍歸耘耔天戈耀日方南指郡將效死弗拜跪周君堂堂衆所恃人咸謂君今可仕細書降表僅尺紙大哉公侯小刺史君言我本不獲已出爲吾師刷讐恥罪人已得賊已弭東村西落無荆杞不義富貴寧飲水公毋多談且休矣閉門高臥肉生髀白駒空谷餘四紀歿葬金潭有廟祀鄉人歲時擊羊豕子暉來與胄子齒踵門泣涕言如此嗟君壯節甚奇偉播茲歌詩侑哀誄

金谿縣葛烈女廟

貢師泰

金谿廟前草離離金谿廟中兩女兒青山猶似舊時色流水不盡行人悲翠翹珠珥垂孔雀廟門深鎖藤花落靈風蕭颯半空來髣髴音容啓珠箔憶昔里中初賦銀銀賦日急家日貧父身榜掠痛欲絕女心憤結何由伸鬼狐夜號天漆黑大冶騰騰火光烈可憐踴躍雙蛾眉變作兼金白如雪君不見緹縈上書更肉刑木蘭遠赴可汗兵固知才畧過男子不如孝女英烈能捐生又不見湘妃江邊淚斑竹韓憑冢上連理木固知精誠可相召不如孝女感化獨神速赤龍並駕參嬋娟萬古日月懸中天人生雖死名不死吁嗟丈夫應愧爾

金谿縣孝女廟樂歌三首

并序

楊翮

有元至正元年撫州路金谿縣新作二孝女廟成按二孝女姓葛氏在唐寶曆間以官責其父祐虧鍊白金事不勝暴酷皆發恚投冶中焚死父因獲免并其邑除坑冶之害以迄于今是宜血食其土矣國子博士吳君師道旣文之

石而祀神之詩闕焉上元楊嗣撰爲樂歌三章俾金谿之  
民歲時歌之以祠孝女其辭曰

靈之來兮兩旗張導旌幢兮鏘琳琅續晝曖兮相頡頏並輜  
輶兮歸故鄉歸故鄉兮民所望昭盼蠻兮習洋洋庭燎輝兮  
夜未央椒蘭發兮鬱芬芳民報祀兮弗敢忘心屏營兮咸肅  
將靈格思兮民樂康

靈之留兮澹容與雲凝凝兮翳堂宇瓊筵陳兮合簫鼓列尊  
罍兮酌清醑牲肥腍兮承離俎女巫進兮傴屢舞誦神德兮  
歌頌舉孰捐軀兮悟時主齊英英兮惟孝女繼茲今兮饗終  
古靈醉飽兮民樂胥

靈之去兮將安之儼欲旋兮森上馳互招搖兮爛祈祈遵雲  
路兮眷威遲金有賦兮地不遺竭貨產兮民力罷我邑井兮  
咸熙熙賴神惠兮獨弗罹千萬禩兮神是稽薦蘋藻兮答神  
釐靈遄逝兮民聿思

李潯陽死節歌

并序

周霆振

李侯治潯陽之二載紅巾賊發蘄黃倚蔡醜爲聲援勢浸  
逼郡數告急於省省議調兵武昌興國相繼沒南北道梗  
潯陽厄侯力疾獎率民義誓不與賊俱生郡將悉所部先  
遁侯轉戰力盡猶持短兵奮擊慷慨指天父子同遇害嗚  
呼李侯可謂仁義之勇矣彼滔滔者獨何心哉侯家潁川  
名黼字子威曾祖而下仕皆通顯發身監學泰定丙寅鄉  
試魁上都丁卯進士第一死節壬辰春年五十有六

蜀川會漢投匡廬潯陽之厄江西樞李侯仗節忠貫日存沒  
誓與城池俱庸庸郡將弛練卒世祿忍負私其軀寇來談笑

啓闕遁坐使邑井成邱墟侯時力疾短兵奮臣首當血心當  
剗魂歸謁帝慟伏闕塗地肝腦民何辜臣衷願瀝付渠答臣  
首欲飛宜僕姑誓堅紅壁殲衆醜却埽淮蔡匡全吳黃塵四  
低黑風淡赤豹騰駕蒼蚪呼山川幾劫鑄英氣上遡古昔誰  
其徒平原汗馬河北重江淮安堵睢陽孤顏張凜凜心未死  
迴立千載誠相孚况聞有子殊激烈義在從父輕頭顱石頭  
之袁姑孰下兩間忠孝何嘗無紛紛賣降與棄甲仰視汗喘  
呀長吁惟公蓋自元氣立顧盼所取皆詩書當年射策首多  
士已分一念金無渝勗哉謀國慎所托古今大勇惟真儒

普顏郎中

并序

壬辰寇陷武昌順流而下省郎中普顏伯華諗於衆曰若  
其直擣真陽事未可知儻轉而南無能爲矣吾受國厚恩

發身監學忝進士先誓死必報遣人間道馳書奉百金歸  
別父母建議盡撤城外民居寇始渡江官軍小衄母弟佛  
奴死之公單騎殿小橋寇不敢逼衆遂翕從奉平章公道  
同左丞章伯顏竭志守城逆黨雲集攻圍五十有四日大  
敗而還散亡略盡江南遂爲天下雄非公長才贊畫平章  
左丞聽用其言詎至是邪朝廷論功除本道廉訪副使於  
是公之志愈無窮矣遠近士大夫爲公歌詩頌其美俟太  
史氏擇焉公世家山東希古其字也邑士劉子真近歸自  
洪具道本末如此

近時有客湖上歸能話郎中身許國朝廷取士數十年誰謂  
書生無寸策江州李侯死可書郎中百戰全洪都昔年廷對  
俱第一鸞鳳固與羣飛殊當其練兵首陳義謂賊南征非所

忘環城撒屋民始疑事急方知爲上計家書間道馳山東百  
金歸報壽乃翁小臣於此誓生死仰視白日昭其忠翔風雲  
低吹戰血母弟魂歸寶刀折倉皇勁氣吐寸心立馬危橋萬  
夫決相臣攬轡從天回將軍鞞鼓轟春雷爲公破敵捐萬死  
顧盼妖賊如山摧君王太息加褒異深副當年設科意碧霄  
雨露湛恩深官轉霜臺弘國器漢廷寥寥渤海龔廣陵張網  
尤罕逢使君宴坐試深省談笑憲府看平戎

過玉成砦

玉成三面堅如鐵穿井無泉援兵絕去年此際萬人登已是  
如今髑髏骨刀飛丁壯屠嬰孩婦女分配囊貲財浪傳古昔  
險堪恃曠劫竟墮昆明灰我來似涉羊腸坂道遇遺黎拭愁  
眼故人何處覓遊魂雲樹鴉啼寒日晚

埋冤樹并序

郡城西郊官道側有樹名埋冤往來必於此少息因賦記  
興庶幾有位者聞而動心焉

出城十里西南去行役經過倦休處崔嵬古幹絡蒼藤相傳  
此是埋冤樹樹名那得呼埋冤閱人累歲官道邊朝吁械繫  
逮詞訟夕斃鞭扑逋稅錢富家招權逞濫入孱弱破家哀子  
立幾人飲恨淚徹泉樹不能言天爲泣埋冤得名良可悲郡  
中守令知不知

爲蕭元泰題龍虎山巖圖

陳旅

龍虎之山仙所寰我昔夢寐遊其間乾坤風氣結冲秀中有  
正一元都壇羽人授我九節杖林磴窈窕窮幽攀金宮藥殿  
起寥廓翠崖丹巘深迴環峰頭時飄白菌苔石上盡種青琅

玕諸巖一覽二十四總似瀛渚蓬萊山清溪浮空引雪練遠  
岫隔水來烟鬢就中仙巖更奇絕上有玉樹皆檀欒虹光半  
夜出林杪云是石室韜神丹欲求刀圭已衰疾羽人去我如  
飛翰褰裳礪曲采芳草斷猿疎雨春山寒覺來俗事日滿眼  
歲月冉冉隨驚湍會稽蕭氏忽相訪笑以此圖令我看夢中  
羽人貌真似而我別後鬢毛斑題詩聊復紀疇昔願拂塵服  
齊驂鸞

送周尊師歸廬山太平宮

成廷珪

匡廬之山仙所居銀河倒蘸青芙蕖三千里路昔一往十八  
社友今何如向來匡君結廬處至今海月懸高樹水流花落  
春復春洞府蒼茫隔烟霧西風蕭蕭吹短衣賣藥修琴不歸  
去潯陽潮落海欲枯幾時再得麻姑書桂風不跨林下鹿回

山肯顧盤中魚幸留神物守丹鼎近喜弟子迎飈車世間信  
有揚州鶴看汝乘之上寥廓晴窗須理白雲篇爽氣仍開紫  
霞閣袖中寶劍且藏鋒彭蠡小龍方睡著

半山歌爲餘干周隱君作隱君早歲江湖中有半山行  
橐三十年晚歸冠山終老焉

番陽臺上生春草湖外之山爲誰好滄波日日送征帆多少  
行人此中老翁昔少年初遠遊吳楚東南事幽討江海詩名  
三十年盡攬風烟入行橐歸卧冠山一半雲知足由來合天  
道黃金似水供歲時白髮如霜照晴昊却留一半與諸君若  
箇似翁歸亦早傍人錯比爭墩翁翁若聞之應絕倒

題鄧家婦王氏詩卷

郭鈺

青原之北書臺東高官厚祿多才雄一死獨稱鄧家婦立身

豈在文章工黑風吹沙舞魑魅劍花凝碧血流地紅顏薄命  
誰不憐高風能使男兒愧鄧侯莫傷鸞鏡空入夜招魂歸故  
宮結髮深恩不相負今日始見修齊功茫茫世事東流水鄧  
侯容髮今何似鬢宮有井井有人重到讀書須向此

崇山游

辰由來合天

祈仙古觀摩空青手持鐵杖山中行浮邱真人不可見窈窕  
萬谷酣秋聲捫藤直登六七里下瀕世間真井底雷霆震動  
獵雲礮燐燐靈光夜深起尊師有道虎狼馴瑶草滿地山如  
春仙公不歸鶴自語老木夾路龍生鱗鄧卿顧我三嘆息滄  
海蟠桃幾時得千年虎魄儻可餐會見紅顏生羽翼

游鐵柱觀

已從龍興游即往鐵柱觀龍精不出奧區囚鴻水奔流合江  
漢沈沈古井清如空東方大海長相通千年神劍不可忽老  
屋夜夜生雷風

送桂少孺之會昌學正

桂公年老才華盛遠作會昌州學正會昌僻在江西隅古來  
地熱不可居居民年來家有井洩盡瘴烟無疾病長江水碧  
風不波雙櫓夜發聲如鶯橫經伐鼓高堂上老幼相攜來聽  
講春秋祀祭黍稷香鐘鏞琴瑟鳴鏘鏘先王典禮公所秉努  
力念之垂永臧

小孤山歌

大孤之石衡且橢青青長在湖中臥小孤之石銳以高峭立  
傲岬當洪濤滔滔逝水東流去兩石巉嶢屹天柱蜀巴之源  
浩沄沄壯哉此地江海門鴻龐稍見土宇曠疏鑿方知夏后

勤名山大澤神所主過者震驚誰敢侮云何作廟向江壩搏  
土娉婷若龍女篙師賈客爾何知坎坎伐鼓持豚蹄倚篷清  
坐漁歌起日莫沙禽來去飛

弔義士胡振祖

劉彥昂

崑崙畫裂黃河決京畿地毛白於雪鬼母啼秋天雨魚武庫  
兵鳴劍飛血黃屋播越烟塵張四海感激思勤王鄱陽胡公  
軀七尺義旗塞路寒無光鳶肩火色萬里壯虎氣雷目千夫  
強城頭陳雲壓鼙鼓醜酒椎牛題露布破釜沈船晚更征囊  
沙壅水宵還渡萬乘干旗驃騎營轉戰直薄浮梁城孤軍糧  
盡朝餐草間道人稀夜煮冰鐵甲照霜弓影曲寶刀磨月血  
痕腥旄頭芒射前星落恃勇驍騰身不却淒涼馬革裹尸歸  
誰復聲名寫麟閣郡侯紀績筆如椽父老相傳泪泣然三尺

九墳何處是忠臣後代子孫賢

鷓鴣埠

曾修

鷓鴣埠頭江月吐野老獨行向人語避亂無山多在船鄰里  
相求近洲渚前日紅巾船上來男兒就殺女就擄積屍滿灘  
灘水乾烏鳶食肉呼其侶王師北望杳不至白髮零丁適何  
所兩岬空村無哭聲時有行人淚如雨

孝子行

并序

道士查居廣

豐城廖孝子至元十九年鄉寇大作子負母冒刃逃及亂  
靖孝養終身與江革不殊惜無史書之揭翰林近題其墓  
曰有元純孝廖某之墓又爲作文刻石虞學士書之

豐城昔在至元歲寇賊紛紛亂如鬼是時廖生抱母行不死  
白刃天有情固知至願天必感母子全活見太平廖生雖死





